



THEOT Proverbs in GG106

Ff. 82r–90v

Draft 01: Transkribus, Draft 02: Steve Delamarter; Draft 03: Demeke Berhane; Draft 04: Steve Delamarter and Demeke Berhane; Draft 05: Ralph Lee

Nota Bene: Each paragraph represents a single column of text in the manuscript. Images may be viewed at the vHMML website at <https://w3id.org/vhmml/readingRoom/view/789588> starting at image 82

f. 82r

(col. 1) ምሳልያተ፡ ሰሎሞን፡ ወልደ፡ ዳዊት፡ ዘነግሠ፡ በኢየሩሳሌም፡ ለእስራኤል። ለአእምሮ፡ ጥበብ፡ ወለተግሣጽ፡ ወ(ለ)አእምሮ፡ {.....(ቃለ፡ ጥበብ)}፡ ወ(ለ)ተወክሮ፡ ተመይጦቃል፡ ወለአእምሮ፡ ጽድቅ፡ ዘበአማን፡ ወፍትሐ፡ ለአርትዖ፡ ከመ፡ የሀብሙ፡ ጥበብ፡ ለየዋሃን፡ ለሕፃናት፡ ወለወሬዛ፡ ተዓውቆ፡ ወአእምሮ፡ ዘንተ፡ እምከመ፡ ሰምዓ፡ {..}ጠቢብ፡ ጥበብ፡ ይዌስክ፡ ወዘሰአጥረየ፡ ሐዳፈ፡ የአምር፡ ምሳሌ፡ ወሥውረ፡ ነገረ፡ ነገረ፡ ጠቢባን፡ በቅፅበት። ክፍል፡ ፩ቀዳሚሃ፡ ለጥበብ፡ ፈሪሃ፡ እግዚአብሔር፡ ወአእምሮስ፡ ሠናይት፡ ለኩሉ፡ ዘይገብራ፡ ፈሪሃ፡ እግዚአብሔር፡ ቀዳሚ፡ ተዓውቆ፡ ጥበብ፡ ወተግሣጽ፡ ረሲዓን፡ ይሜንኑ፡ ስማዕ፡ ወልደየ፡ ሕገ፡ አቡክ፡ ወኢትትሐየይ፡ ትእዛዘ፡ እምከ፡ አክሊለ፡ ክብር፡ ትነሥእ፡ ለርእስክ፡ ወባዝግና፡ ወርቅ፡ ለክሳድክ፡ ወልደየ፡ ኢያስሕቱክ፡ ሰብእ፡ ረሲዓን፡ ወኢትፍቅድ፡ እመ፡ አስተብቃሩዕክ፡ እንዘ፡ ይብሉ፡ ነዓ፡ ምስሌን፡ ንሳተፍ፡ ደመ፡ ወንድፍን፡ ውስተ፡ ምድር፡ ብእሴ፡ ጻድቀ፡ በዓመዓ፡ ወነሐጦ፡ ከመ፡ ገሃነም፡ ሕያዎ፡ ወንሥዓር፡ እምድር፡ ዝክሮ፡ ወጥሪቶ፡ ብዙኃ፡ ናስተጋብእ፡ ወንምላዕ፡ አብያቲነ፡ በርበሮ፡ ወአንተኒ፡ ኅበር፡ ምስሌን፡ ወ፩ቃናማት፡ ይኩነነ፡ ለኩልነ፡ ወመስንቅት፡ አሐቲ፡ ትኩነነ፡ ኢትሔር፡ ምስሌሆሙ፡ ፍኖተ፡ አግሳሥ፡ እገሪክ፡ እምአሰኖሙ፡ እስመ፡ ለእኩይ፡ ይረወዓ፡ እገሪሆሙ፡ ወያፈጥና፡ ለክዲወ፡ ደም፡ እስመ፡ አኮ፡ በክ፡ ዘይረበ፡ መሥገርተ፡ ለአዕዋፍ፡ እሙንቱስ፡ እለ፡ ቀቲለ፡ ለመዱ፡ ይዘግቡ፡ ሎሙ፡ እኩየ፡ ወድቀቶሙ፡ ለሰብእ፡ ኃጥአን፡ እኩይ፡ ዝፍናው፡ ውእቱ፡ ለኩሎሙ፡ እለ፡ ይፌጽሙ፡ ኃጣውአ፡ ኃጢአት፡ ነፍሶሙ፡ ተሐጉል። ክፍል ፩፡ ጥበብ፡ በፍናው፡ ትትፌሣሕ፡ ወበመራህብት፡

(col. 2) ትሁብ፡ ቃላ፡ ወውስተ፡ አርእስተ፡ ጥቅም፡ ትሰበክ፡ ወውስተ፡ አናቅጺሆሙ፡ ለኃያላን፡ ትፀመድ፡ ወውስተ፡ አናቅጽ፡ ሀገር፡ ጥቡአ፡ ትብል፡ መጠነ፡ መዋዕልየዋሃን። ቦሙ፡ ጽድቅ፡ ኢይትኃፈሩ፡ እስከ፡ ማዕዜኑ፡ ረሲዓን፡ ያፈቅሩ፡ ስሕተተ። ወአብዳንሰ፡ ፈቃውያነ፡ ጽ{..(ዕለ)}ት፡ እሙንቱ፡ ረሲዓን፡ ከዊኖሙ፡ ጸልዑ፡ አእምሮ፡ ወርሱሐነ፡ ኮኑ፡ ለእለ፡ ይዘልፍዎሙ። ለምንት፡ ትመይጡ፡ ዘለፋየ፡ ናሁ፡ እነግረክሙ፡ እስትንፋሰ፡ ቃልየ፡ ወእሜህረክሙ፡ ነገረ፡ ዚአየ፡ እስመ፡ ጸዋዕኩ፡ ወኢያውሣእክሙኒ፡ ወአብዘህኩ፡ ነገረ፡ ወኢተሠጠውክሙኒ፡ ሰፋሕኩ፡ ዕደውየ፡ ወኢያጽማዕክሙኒ፡ ወምኑነ፡ ረሰይክሙ፡ ትእዛዝየ፡ ወዘለፋየኒ፡ ኢነጸርክሙ፡ ወአነሂኬ፡ በሐጉልክሙ፡ እስሕቅ፡ ወእትፌሣሕ፡ ሶበ፡ ይመጽአክሙ፡ ተሠር{..(ዎ)}፡ ወሶበ፡ ይመጽአክሙ፡ ግብተ፡ ህክክ፡ ወሙስናሂ፡ ከማሁ፡ ሶበ፡ ይመጽእ፡ ለአሥግሮ፡ ወሶበ፡ ይመጽአክሙ፡ ምንዳቤ፡ ወተጼውዎ፡ ሀሎኩ፡ ህየ፡ ሶበ፡ ትጼውዑኒ፡ አነሂ፡ ኢይሰምዓክሙ፡ የኃሥሡኒ፡ እኩያን፡ ወኢይረክቡኒ፡ እስመ፡ ጸልዕዋ፡ ለጥበብ፡ ወቃለ፡ እግዚአብሔር፡ ኢፈቀዱ፡ ወኢፈቀዱ፡ ዘዚአየ፡

ምክረይነጽ፡ ወያስተራኹሉ፡ ኩሎ፡ ዘዚአየ፡ ዘለፋ፡ እንከሰኬ፡ ይብልዑ፡ ፍሬምግባሮሙ፡ ወይጽገቡ፡ ጎብስተ፡ ኃጢአቶሙ፡ ወበዘዚአሆሙ፡ ኃጢአት፡ ይጽገቡ። እስመ፡ ኢተመይጦቶሙ፡ ለአብዳን፡ (ት)ቀትሎሙ፡ እምእንተ፡ ገፍዑ፡ ደቂቅ፡ ይትቀተሉ፡ ወሐተታሆሙ፡ ለረሲዓን፡ {.(ት)}ቀትሎሙ፡ ወዘሶ፡ ኪያየ፡ ይሰምዕ፡ ይሄሉ፡ በተስፋወየዓርፍ፡ ዘእንበለ፡ ድንጋፂ፡ እምኩሉ፡ እኩይ፡ ክፍፂ፡ ወልድየ፡ እመ፡ ተወከፍከ፡ ቃለ፡ ትእዛዘ፡ ዚአየ፡ ወኃባ

(col. 3) ዕኮ፡ ላዕሌከ፡ ይሰምዕ፡ ጥበበ፡ እዝንከ፡ ወትሁብ፡ ልበከ፡ ለአእምሮ፡ ወታቁርብ፡ ለተግሣጸ፡ ልበከ፡ ወእመኒ፡ ለጥበብ፡ ጸዋዕካ፡ ወለአእምሮ፡ ወሀብከ፡ ቃለከ፡ ወለለብዎ፡ ኃሠሥካ፡ በዓቢይ፡ ቃል። ወእመኒ፡ ኃሠሥካ፡ ከመ፡ ብሩር፡ ወከመ፡ መድፍን፡ ፈተንካ። አሜሃ፡ ተአምር፡ ፈሪሃ፡ እግዚአብሔር፡ ወጠይቆ፡ እግዚአብሔር፡ ትረክብ፡ እስመ፡ እግዚአብሔር፡ ይሁብ፡ ጥበበ፡ ወእምቅድመ፡ ገጹ፡ ለብዎ፡ ወአእምሮ፡ ወይዘግብ፡ ሎሙ፡ ለእለ፡ ይገብሩ፡ መድኃኒተ፡ ወቃውም፡ ለፍኖቶሙ፡ ከመ፡ ይዕቀቡ፡ {...}፡ ፍኖተ፡ ጽድቅ፡ ወፍኖተ፡ እለ፡ ይፈርህዎ፡ የዓቅብ፡ አሜሃ፡ ተአምር፡ ፍትሐ፡ ወጽድቀ፡ ወታረትዕ፡ መንኰራኩረ፡ ሠናያተ፡ እስመ፡ እመ፡ መጽአት፡ ጥበብ፡ ውስተ፡ ሕሊና፡ ዚአከ፡ ወአእምሮ፡ ለነፍሰ፡ ዚአከ፡ ሠናየ፡ ኮነት። በምክር፡ ሠናይ፡ ተዓቅበከ፡ ወበሕሊና፡ ጽድቅ፡ {.}ትከድነከ። ከመ፡ ታድጎንከ፡ እምፍኖተ፡ እኪ{.(ት)}፡ ወእምብእሲ፡ ዘኢይነብብ፡ ወኢምንተኒ፡ ህልወ፡ ወይ፡ ሎሙ፡ ለእለ፡ የኃድጉ፡ ፍኖተ፡ ርቱዓ፡ ከመ፡ ይሑሩ፡ ፍናወ፡ ጽልመት፡ እለ፡ ይትፌሥሑ፡ በእኩይ፡ ወእለ፡ ይትሐሠዩ፡ በሚጠተ፡ እኪት፡ እለ፡ ፍናዊሆሙ፡ መብዕስ፡ ወደጋን፡ መንኰራኩረሙከመ፡ ያርጎቁከ፡ እምፍኖት፡ ርትዕት፡ ወነኪረ፡ እምአእምሮ፡ ጽድቅ፡ ክፍል፡ ወልድየ፡ ኢይርከብከ፡ ምክር፡ እኩይ፡ እንተ፡ ተሐድግ፡ ትምህርተ፡ በውርዙት። ወሥርዓተ፡ ዘእምእግዚአብሔር፡ እንተ፡ ረሥዓት፡ ወአንበረት፡ ኀበ፡ ሞት፡ ቤታ። ወኀበ፡ ሲኦልኒምስለ፡ እለ፡ እምድር፡ አርትዓት፡ መንኰራኩረ{.(ራ)}፡ ኩሎሙ፡ እለ፡ የሐውሩባቲ፡ ኢይትመየጡ፡ ወኢይረክቡ፡ ፍናወ፡ ርቱዓ፡ ወኢይትረክቡ፡ በዓመቱ፡

f. 82v

(col. 1) ሕይወት፡ ሶበስ፡ የሐውሩ፡ ፍናወ፡ ሠናያተ፡ እምረከቡ፡ ፍናወ፡ ጽድቅ፡ ልሙጸ። ጌራን፡ ይከውኑ፡ እለ፡ ይነብሩ፡ ውስተ፡ ምድር፡ የዋሃን፡ ይተርፉ፡ ውስቴታ፡ እስመ፡ ራትዓን፡ የሐድርዋ፡ ለምድር፡ ወጸድቃንሰ፡ ይተርፉ፡ ውስቴታ፡ ፍናወ፡ ረሲዓን፡ እምድር፡ ይሜረዋ። ክፍል፡ ፬፡ ወወማዕያንሰ፡ ይሰደዱ፡ ውስቴታ፡ ወልድየ፡ ሕገ፡ ዚአየ፡ ኢትርሣዕ፡ ወቃለትየ፡ ይዕቀብ፡ ልብከ፡ ኑኃ፡ መዋዕል፡ ወዓመተ፡ ሕይወት፡ ወሰላም፡ ይዌስካከ። ምጽዋት፡ ወሃይማኖት፡ ኢይርኃቀ፡ ዕንቆ፡ ውስተ፡ ክሳድከ፡ ወጸሐፎ፡ በሰሌዳ፡ ልብከ፡ ወትረክብ፡ ሞገስ፡ ፡ ሐሊ፡ ሠናየ፡ ቅድመ፡ እግዚአብሔር፡ ወሰብእ። ሀሉ፡ ተወከሊ{.}ከ፡ በኩሉ፡ ልብከ፡ በእግዚአብሔር፡ ወበጥበብከ፡ ኢትትዓቢይ፡ በኩሉ፡ ፍናዊከ፡ አክብራ፡ ከመ፡ ታርትዕ፡ ፍዓዊከ፡ ኢትኩን፡ ጠቢብ፡ ዘበርእስከ። ፍርሆ፡ ለእግዚአብሔር፡ ወተገኃሥ፡ እምኩሉ፡ እኩይ። ሶቤሃ፡ ፈውሰ፡ ይከውነከ፡ ለሥጋከ፡ ወሥራየ፡ ለኦዕፅምቲከ፡ አክብሮ፡ ለእግዚአብሔር፡ እምዘ፡ በጽድቅ፡ ጥሪትከ፡ ወአብእ፡ ሎቱ፡ እምፍሬ፡ ጽድቅከ፡ ከመ፡ ይስፍፍ፡ መዛግብቲከ፡ ብዙኃ፡ ሥርናየ፡ ወወይነ፡ ማሕ{...(በብቲ)}ከ፡ ይስፍፍ። ወልድየ፡ ኢትት{...(አንተ)}ል፡ ተግሣጸ፡ እግዚአብሔር፡ ወኢትድክም፡ እምኀቤሁ፡ በተዛልፎ። እስመ፡ ዘያፈቅር፡ ይጌሥጽ፡ እግዚአብሔር፡ ወይቀሥፍ፡ ኩሎ፡ ውሉደ፡ ዘኢይትዌከፍ፡ ብፁዕ፡ ብእሲ፡ ዘይረክባ፡ ለጥበብ፡ ኢመዋቲ፡ ዘአእመረ፡ ሐኒከ። ይጌይስኪያሃ፡ ተገብሮ፡ እምተገብሮ፡ ወርቅ፡ ወብሩር፡ ወብዙኅ፡ መዛግብት፡ ክብርት፡ ይእቲ፡ እምዕንቅ። ዘብዙኅ፡ ሜጡ። ኢይትቃወማ፡ ምንትኒ፡

(col. 2) እኩይ፡ ሠናይ፡ ሀገሪት፡ ይእቲ፡ ለኩሎሙ፡ እለ፡ ይቀርብዋ፡ ወኩሉ፡ ክብር፡ አከ፡ መጠና፡ ኑኃ፡ መዋዕል፡ ወዓመተ፡ ሕይወት፡ ውስተ፡ የማና፡ ወውስተ፡ ፀጋማ። ክብር፡ ወብዕል፡ እምአፋሃ፡ ይወፅዕ፡ ጽድቅ። ሕገ፡ ወምጽዋተ፡ በልሳና፡ ትለብስ፡ ፍናዊሃ፡ ፍናወ፡ ሠናያት፡ ወኩሉ፡ አሠራ፡ ዘበሰላም፡ ዕፅ፡

ሕይወት፡ ይእቲ፡ ለኩሎሙ፡ እለ፡ ይትመረገውዝዋ፡ ወእለ፡ ይእኅ{...(ዝዋ፡ ብ)}፡፡ ወእለ፡ ይትአመኑ፡ ባቲ፡ ከመ፡ ዘበእግዚአብሔር፡ ፅንዕ፡ ክፍ፡ ፩፡ እግዚአብሔር፡ በጥበብ፡ ሣረራ፡ ለምድር፡ ወእስተዳለወ፡ ሰማያት፡ በአእምሮ፡ በተወቀቱ፡ ነቅዑ፡ ቀላያት፡ ወደመናትኒ፡ ያውኅዙ፡ ጠላተ፡ ወልድየ፡ ኢትትሐየይ፡ ዕቀብ፡ ምክርየወሕሊናየ፡ ከመ፡ ትሕዮ፡ ነፍስከ፡ ወሞገሰ፡ ይኩን፡ ዲበ፡ ክሳድከ፡ ወይከውነከ፡ ፈውስ፡ ለሥጋከ፡ ወሥራየ፡ ለአዕፅምተ፡ ዚአከ፡ ከመ፡ ትሑር፡ ጥቡዓ፡ በሰላም፡ በኩሉ፡ ፍናዊከ፡ ወእገሪከሂ፡ ኢይትዓቀፉ፡ እመሂ፡ ትነብር፡ ኢትፈርህ፡ ወእመሂ፡ ሰከብከ፡ ሐዋዘ፡ ትነውም፡ ወኢትፈርህ፡ ሀከከ፡ ዘይመጽአከ፡ ወመራደ፡ ረሲዓን፡ ዘይመጽአ፡ እስመ፡ እግዚአብሔር፡ ይሄሉ፡ ው{.....(ስተ፡ ኩሉ፡ ፍ)}ናዊከ፡ ወያቀውሞን፡ ለእገሪከ፡ ከመ፡ ኢያንቀልቅላ፡ ኢትትሐየይ፡ ሠናየ፡ ገቢረ፡ ለጽኑስ፡ ወመጠነበ፡ ውስተ፡ እዴከ፡ ርድኦ፡ ወኢትበል፡ ሑር፡ ወግባእ፡ ጌሠመ፡ እሁበከ፡ እንዘ፡ ትክል፡ ገቢረ፡ ሠናይ፡ እስመ፡ ኢተአምር፡ ዘትወልድ፡ ሳኒታ፡ ወዓዲ፡ ኢተሐሊ፡ ላዕለ፡ ዓርክከ፡ እኩየ፡ ዘየጋድር፡ ወይትዌክል፡ ብከ፡ ወኢትፍቅድ፡ ተጸልኦ፡ ምስለ፡ ሰብእ፡ በከ፡ ከመ፡ አልቦ፡ ዘይገብር፡ ላዕሌከ፡ እኩየ፡ ወኢታጥሪ፡ ዝንጓጌ፡ በኅበ፡ ሰብእ፡ እኩያን፡

(col. 3) ወኢተቅናዕ፡ ለፍናዊሆሙ፡ ከመ፡ ትኩን፡ ከማሆሙ፡ እስመ፡ ርኩሰ፡ ውእቱ፡ በቅድመ፡ እግዚአብሔር፡ ኩሉ፡ ኃጥእ፡ ወምስለ፡ ጻድቃን፡ ኢይትጋበር፡ መርገመ፡ እግዚአብሔር፡ ውስተ፡ አብያተ፡ ረሲዓን፡ ወውስተ፡ አዕፃደ፡ ጻድቃን፡ በረከተ፡ እግዚአብሔር፡ ለዕቡያን፡ ይትቃወሙ፡ ንዴት፡ ለትሑታን፡ ይሁቡሙ፡ ክብረ፡ ክፍ፡ ፪ወክብረ፡ ጠቢባን፡ ይወርሱ፡ ወረሢአንሰ፡ አዕበዩ፡ ኃሣረ፡ ስምዑ፡ ውሉድ፡ ተግሣጸ፡ አብ፡ ከመ፡ ይኩን፡ ብዙኃ፡ መዋዕለ፡ ሕይወትክሙ፡ ወአጽምዑ፡ በአእምሮ፡ ሕሊና፡ እስመ፡ ሠናየ፡ ጸጋ፡ እጼግወክሙ፡ ሕገ፡ ዚአየ፡ ኢትኅድጉ፡ እስመ፡ ወልደ፡ ኮንኩ፡ አነሂ፡ ሰማዔ፡ አብ፡ ወእትፈቀር፡ በገጸ፡ እምየእንዘ፡ ይብሉ፡ ይሜህሩኒ፡ ይባእ፡ ቃለ፡ ዚአነ፡ ውስተ፡ ልብከ፡ ዕቀብ፡ ትእዛዛዙተን፡ ወኢትርሳዕ፡ ወኢትትሐየይ፡ ንባበ፡ አፉነ፡ ኢትኅድጋ፡ አጥሪ፡ አእምሮ፡ ወትትዌክፈከ፡ አፍቅራ፡ ወታዓቅበከ፡ ዑዳ፡ ወታሌዕለከ፡ አክብራ፡ ወተሐቅፈከ፡ ከመ፡ ተሀ{..(ብከ)}፡ ለርእስከ፡ አክሊለ፡ ክብር፡ ወበአክሊለ፡ ተድላ፡ ተዓቅበከ፡ ሰማዕ፡ ወልድየ፡ ወተወከፍ፡ ንባበ፡ ዚአየ፡ ከመ፡ ይብዛኅ፡ ዓመታተ፡ ሕይወትከ፡ ወከመ፡ ይኩን፡ ብዙኃ፡ ፍናወ፡ ሕይወትከ፡ እስመ፡ ፍኖተ፡ ጥበብ፡ እሜህረከ፡ ወአጸንዓከ፡ ውስተ፡ መንኰራኩር፡ ርቱዕ፡ እመሂ፡ ተሐውር፡ ኢይትዓፀው፡ ዓሠርከ፡ ወእመሂ፡ ሮጽከ፡ ኢትደክም፡ ተወከፍ፡ ቃለ፡ ዚአየ፡ ወኢትኅድግ፡ ዕቀባ፡ ለርእስከ፡ ወኢትኅድጋ፡ ለሕይወትከ፡ ፍኖተ፡ ረሲዓን፡ ኢትኪድ፡ ወኢትቅናዕ፡ ለፍናወ፡ ኃጥአን፡ ወመካኑ፡ እንተ፡ ኅበ፡ ግዕዙ፡ ኢትምጸእ፡ ህየ፡ ተገኝሥ፡ እምኒሆሙ፡ ወተመየጥ፡ እስመ፡ ኢይነውሙ፡ እመኢገብሩ፡ እኩየ፡ ተመሥጠ፡ ንዋም፡ እ

f. 83r

(col. 1) ምአዕይንቲሆሙ፡ ወኢይነውሙ፡ እመ፡ ኢደወይ፡ እለ፡ ይበልዑ፡ መብልዓ፡ ኃጢአት፡ ወበወይነ፡ ዓመ፡ ይሰክሩወፍኖተ፡ ጻድቃን፡ ከመ፡ ብርሃን፡ ይበርህ፡ የሐውሩ፡ ወያበርሁ፡ እስከ፡ ሶበ፡ ታረትዕ፡ ዕለት፡ ወፍኖተ፡ ረሲዓን፡ ጽልመት፡ ውእቱ፡ ወኢየአምሩ፡ እፎ፡ ይትዓቀፉ፡ ወልድየ፡ ንባበ፡ ዚአየ፡ ነጽር፡ ወቃለ፡ ዚአየ፡ ያጽምዕ፡ እዝንከ፡ ከመ፡ ኢይንጽፉ፡ ዓዘቃቲከ፡ ዕቀቦን፡ ውስተ፡ ልብከ፡ እስመ፡ ሕይወት፡ ውእቶን፡ ለእለ፡ ይረክብዎን፡ ወለኩሉ፡ ዘሥጋ፡ ፈውስ፡ በኩሉ፡ ተዓቅቦ፡ ዕቀብ፡ ልብከ፡ እስመ፡ እምእሉ፡ ፍናወ፡ ይወፅእ፡ ነቅዓ፡ ሕይወት፡ አርሕቅ፡ እምኔከ፡ አፈ፡ እኩየ፡ ወከፍረ፡ ዓመ፡ አንኅ{.}፡ አርኅቆ፡ እምኔከ፡ ወአዕይንቲከ፡ ርቱዓ፡ ይርአያ፡ ወቀራንብቲከ፡ ይቅጽባ፡ ጽድቀ፡ ርቱዓ፡ መንኰራኩር፡ ግበር፡ ለእግርከ፡ ወፍናዊከ፡ አርትዕ፡ ኢትትገኝሥ፡ ኢለየማን፡ ወኢለፀጋም፡ አማኅሥ፡ እገሪከ፡ እምፍኖት፡ እኪት፡ ወፍናወ፡ ዘየማን፡ የአምር፡ እግዚአብሔር፡ ጠዋያት፡ እማንቱ፡ እለ፡ እምጸጋም፡ ወውእቱ፡ ርቱዓ፡ ይገብር፡ መንኰራኩርከ፡ ወሑረተከ፡ በሰላም፡ ያሄኒ፡ ክፍ፡ ፪፡ ወልድየ፡ ጥበበ፡ ዚአየ፡ ነጽር፡ ወንባበ፡ ዚአየ፡ ያጽምዕ፡ እዝንከ፡ ከመ፡ ትዕቀብ፡ ሕሊና፡ ሠናየ፡ ወአእምር፡ እምከፍርየ፡ ዘእኤዝዘከ፡ ኢትነጽር፡

ብእሲተ፡ እኪተ፡ እስመ፡ መዓር፡ ይውኅዝ፡ እምከናፍረ፡ ብእሲት፡ ዘማ፡ እንተ፡ ለጊዜሁ፡ ያመዓርዕሮ፡
ለጉርዓክ፡ ወእምድኅሬሁ፡ ዘይመርር፡ እምሐሞት፡ ትረክብ፡ ወስሑል፡ ፈድፋድ፡ እመጥባሕት፡ ዘ፪አፋሁ፡
ወለዕበድ፡ ዕገሪሃ፡ ያወርዳ፡ ወለእለ፡ ያጠርይዋ፡ ምስለ፡ ሞት፡ ወውስተ፡ ሲኦል፡ ወአሠራ፡ ኢይትሐወስ፡
እመካነ፡ ኃጢአት፡ ወውስ

(col. 2) ተ፡ ፍናወ፡ ሕይወት፡ ኢይቀርብ፡ ወዕቡስ፡ መንኰራኩራ፡ ወአኮ፡ {...}፡ ዘይትዓወቅ፡ ክፍ፡ ፳፡
ይእዜኒ፡ ወልድየ፡ ስምዓኒ፡ ወምኑነ፡ ኢትረሲ፡ ንባበ፡ ዚአየ፡ ርኑቀ፡ ረሲ፡ እምኔሃ፡ ፍኖተክ፡ ኢትቅረብ፡
ኅበ፡ ጥኅተ፡ ቤታ፡ ከመ፡ ኢትወስክ፡ ለባዕድ፡ ሕይወተክ፡ ወንብረተክ፡ ለእለ፡ ዘእንበለ፡ ምሕረት፡ ከመ፡
ኢይጽገቡ፡ ነኪራን፡ ኃይለክ፡ ወዓማ፡ ዚአክ፡ ቤተ፡ ባዕድ፡ ኢይባእ፡ ወትኔስሕ፡ ድኅረ፡ አመ፡ ደክመ፡
ሥጋ፡ ነፍስትክ፡ ወትብል፡ እፎ፡ ጸላዕኩ፡ ትምህርተ፡ አመ፡ ንዕስየ፡ ወእምተግሣጽ፡ ተግኅሠእዝንየ፡
ወኢሰማዕኩ፡ ቃለ፡ ዘይጌሥጹኒ፡ {...}፡ ወይሚህሩኒ፡ ወኢያጽማዕኩ፡ በእዝንየ፡ ዘእንበለ፡ ንስቲት፡ ኮንኩ፡
ውስተ፡ ኩሉ፡ እኩይ፡ ማዕከለ፡ ማኅበር፡ ወእንግልጋ፡ ስተይ፡ ማየ፡ እምቀሱትክ፡ ወእምነቅዓ፡ ዓዘቃቲክ፡
ወየኃዛ፡ ማያት፡ እምዓዘቃቲክ፡ ወውስተ፡ መራህብቲክ፡ ይሑራ፡ ማያቲክ፡ ወዓዘቅተ፡ ማይክ፡
ይኩ{.....(ንክ፡ ለክ፡ ለባሕቲትክ፡ ዚአክ፡ ወአልቦ፡ ነኪር፡ ዘይነሥአክ፡ ዓዘቅተ፡ ማይክ፡ ይኩንክ፡ ለክ፡
ወተፈሣሕ፡ ምስለ፡ ብእሲተ፡ ንዕስክ፡ ፍቅረ፡ ኅየል፡ ወዕዋል፡ ተፋቀር፡ ምስለ፡ ብእሲትክ፡ ሞገሰ፡ ፍቅራ፡
ያረውየክ፡ እንቲአክ፡ ትኩንክ፡ ወተሀሉ፡ ምስሌክ፡ በኩሉ፡ ጊዜ፡ በዛቲ፡ ፍቅር፡ እንዘ፡ ትትናገር፡ ብዙኃ፡
ትኩውን፡ ለምንት፡ ትትራከብ፡ ምስለ፡ ብእሲት፡ ነኪርት፡ ወተሐቅ፡ ሐቋ፡ ዘማዊት፡ ኩልክሙ፡
ኢተሐልው፡ ኅበ፡ ነኪርት፡ ኢታውትር፡ እደ፡ ለእንተ፡ ኢኮነት፡ እንቲአክ፡ እስመ፡ {...}(ቅድመ፡
አዕይንተ፡ እግዚአ)፡ ብሔር፡ ውእቱ፡ ፍናወብእሲ፡ ወውስተ፡ ኩሉ፡ መንኰራኩራሁ፡ ያስተሐይጽ፡ ኃጢአት፡
ብእሴ፡ ያሜግር፡ በሕሳለ፡ ኃጢአቱ፡ ኩሉ፡ ይትአሰር፡ ዝንቱ፡ ይመውት፡ ምስለ፡ አብዳን፡ እምብዝኃ፡
ዕበዱ፡ ተገድፈ፡ ወተሐጉ

(col. 3) ለ፡ በእንተ፡ ዕበድ፡ ክፍ፡ ፱፡ ወልድየ፡ እመ፡ ተሐበይክ፡ ዓርክክ፡ ትሁብ፡ እደክ፡ ለዕደው፡
መሥገርት፡ ፅኑዕውእቱ፡ ከናፍሪሁ፡ ለብእሲ፡ ወይትሐጎል፡ በከናፍረ፡ አፋሁ፡ ግበር፡ ወልድየ፡ ዘእነ፡
ኦኤዝዘክ፡ ውኒረ፡ ዓል፡ እስመ፡ መጻእክ፡ ውስተ፡ ዕደው፡ እኩያን፡ በእንተ፡ ዓርክክ፡ ኩን፡ ኢተሀካዬ፡
ወወሀ{.(ክ)}፡ ለዐርክክ፡ ዘተሐበየክ፡ ወኢተሀበን፡ ንዋመ፡ ለአዕይንቲክ፡ ወኢድቃሰ፡ ለቀራንብቲክ፡ ከመ፡
ትድኃን፡ ከመ፡ ወይጠል፡ እመሥገርት፡ ወከመ፡ ያፍ፡ እመጽፈርት፡፡ክ፡ ፲ወልድየ፡ ተመየጥ፡ ወሑር፡ ኅበ፡
ቃሕም፡ ወኢትኩን፡ ሀከየ፡ ወቅናዕ፡ ርእየክ፡ ፍናዊሁ፡ ወኩን፡ ጠቢብ፡ እምኔሁ፡ ወውእቱ፡ እንዘ፡ ወፍር፡
አልቦ፡ ወዘሂ፡ ያጌብር፡ አልቦ፡ ወእንዘ፡ እግዚእ፡ አልቦ፡ ያስተደሉ፡ በሐጋይ፡ ሲሳየ፡ ብዙኃ፡ አመ፡
ማዕረር፡ ወይትጌበር፡ ዘያነብር፡ አው፡ ሑር፡ ኅበ፡ ንህብ፡ ወአእምር፡ ከመ፡ መስተገብርት፡ ይእቲ፡
ወትግብርታ፡ ከመ፡ ሠናየ፡ ትገብር፡ እንተ፡ ጸማሃ፡ ነገሥ{...}ት፡ ወአብዳን፡ ለሕይወት፡ ይነሥኡ፡ እንተ፡
ትትፈቀድ፡ ይእቲ፡ በኅበ፡ ኩሉ፡ ወክብርት፡ ወበኃይላ፡ ፅብስት፡ ወበግብራ፡ ፅንዕት፡ ጥበብ፡ አክቢራ፡
አስተርአየት፡ በእሉን፡ ክልኤ፡ ምግባራት፡ እስክ፡ ማዕዜኑ፡ ሀካይ፡ ትሰክብ፡ ወማዕዜ፡ እምንዋምከ፡
ትነቅሕ፡ ህቀ፡ ትነውም፡ ወህቀ፡ ትነብር፡ ህቀ፡ ትዴቅስ፡ ወሕቀ፡ ታስተጋብእ፡ እደዊክ፡ ዲበ፡ እንግድአክ፡
ወእምዝ፡ ይመጽአክ፡ ግብተ፡ ከመ፡ እኩይ፡ ሐዋርያ፡ ንዴት፡ ወተፅናስ፡ ከመ፡ ኒር፡ ረዋጺ፡ ወእመሰ፡
ኢኮንክ፡ ሐካየ፡ ይመጽአክ፡ ከመ፡ ነቅዕ፡ ማዕረርክ፡ ወንዴት፡ ከመ፡ እኩይ፡ ረዋጺ፡ ለሊሁ፡ ይርኅቅ፡
እምኔክ፡ ክፍል፡ ፲፩፡ ብእሲ፡

f. 83v

(col. 1) አብድ፡ ወዓማ፡ የሐውር፡ ፍናወ፡ ዘኢኮና፡ ኒራተ፡ ወውእቱ፡ ይቀጽብ፡ በዓይን፡ ወይኤምር፡
በእግ{...}ር፡ ወይኤምር፡ በቅዕበተ፡ አፃብዕ፡ ወዕሉት፡ ልብ፡ ትሑሊ፡ እኩየ፡ በኩሉ፡ ጊዜ፡ ዘከመዝ፡
ያመጽእ፡ ሀከክ፡ ለዕለ፡ ሀገር፡ በእንቲአሁ፡ ይመጽእ፡ ግብተ፡ ሕጉለት፡ ዝብጠት፡ ወቅጥቃጤ፡ ዘኢየሐዩ፡

እስመ፡ ይትፌሣሕ፡ ባኩሉ፡ ዘይጸልዕ፡ እግዚአብሔር፡ ወይትቀጠቀጥ፡ በእንተ፡ ርኩሰ፡ ነፍሰ፡ ናሁ፡ ስሱ፡
 ዘይጸልዕ፡ እግዚአብሔር፡ ወሳብአሙሰ፡ ሰቄራረ፡ ነፍሱ፡ ዓይነ፡ ጸዓሌ፡ ወልሳነ፡ ዓማ፤ እደ፡ ዘይክዑ፡
 ደመ፡ ጸድቀ፡ ወልበ፡ እንተ፡ ትወልድ፡ እኩየ፡ ሕሊና፡ ወአእጋረ፡ እለ፡ ይትወላወላ፡ ለገቢረ፡ እከይ፡
 ያነድድ፡ ስምዓ፡ ዓማ፤ ወይፌኑ፡ ጋዕዘ፡ ማዕከለ፡ አጋው፡ ክፍል፡ ፲፪፡ ዕቀብ፡ ወልድየ፡ ሕገ፡ አቡከ፡
 ወኢትትሐየይ፡ ትእዛዘ፡ እምከ፡ ደዮ፡ ውስተ፡ ልብከ፡ በኩሉ፡ ጊዜ፡ ወጠብልሎ፡ ውስተ፡ ክሳድከ፡
 ወሶበኒ፡ ተሐውር፡ ንሥአ፡ ምስሌከ፡ የሀ{....}ሉ፡ ወሶበኒ፡ ትነውም፡ የዓቅበከ፡ ወሶበኒ፡ ትትነሣእ፡
 ይትናገረከ፡ እስመ፡ ማኅቶተ፡ ትእዛዘ፡ ወሕግ፡ ብርሃን፡ ወፍኖተ፡ ሕይወት፡ ተግሣጽ፡ ወትምህርተ፡ ክ፡
 ፲፫ ወልድየ፡ ዕቀብ፡ ትእዛዘየ፡ ከመ፡ ትዕቀብከ፡ እምብእሲተ፡ ብእሲ፡ ወእምውዴተ፡ ልሳን፡ እኩይ፡
 ኢይማዕከስነ፡ ፍትወታ፡ ወኢትሠገር፡ በአዕይንቲሃ፡ ወኢትትመሰጥ፡ በቀራንብቲሃ፡ ክብራ፡ ለዘማ፡ እስከ፡
 አሐቲ፡ ኅብስተ፡ ወብእሲትሰ፡ ለዕደው፡ ክቡራን፡ ነፍሶሙ፡ ታሠግር፡ መኑ፡ ዘየዓቀር፡ እሳተ፡ ውስተ፡
 ሕፅኑ፡ ወአልባሲሁ፡ ኢይውዕያ፡ ወመኑ፡ ዘየሐውር፡ ዲበ፡ አፍሐመ፡ እሳት፡ ወእገሪሁ፡ ኢይውዕያ፡
 ከማሁ፡ {.}፡ ዘይበውዕ፡ ቤተ፡ ብእ

(col. 2) ሲተ፡ ብእሲ፡ ኢይነጽሕ፡ ወኩሉ፡ ዘይለክ፡ አኮ፡ መንክር፡ {.}፡ እመ፡ ተእኅዘ፡ ዘይሠርቅ፡
 እስመ፡ ይሠርቅ፡ ከመ፡ ያጽግብ፡ ነፍሶ፡ ርኅብተ፡ ወእመ፡ ተእኅዘ፡ ይፈዲ፡ ምስብዒተ፡ ወኩሎ፡ ጥሪቶ፡
 ይሁብ፡ ከመ፡ ያድኅን፡ ነፍሶ፡ ወመሐዝሰ፡ በንዴተ፡ አእምሮ፡ ሐጉለ፡ ነፍሱ፡ ይትጊበር፡ ሕማመ፡
 ወኃሣረ፡ ይጼውዕ፡ ወዕዕለቱ፡ ኢይደመስስ፡ ለዓለመ፡ ዓለም፡ እስመ፡ ምሉዕ፡ ቅንዓተ፡ ወመዓተ፡ ምታ፡
 ወኢይምህር፡ በዕለተ፡ ኩነኔ፡ ወኢይዌልጥ፡ በምንትኒ፡ ቤዛ፡ ጽልዕ፡ ወኢይትዓረቅ፡ በብዙኅ፡ ሀብት፡
 ክፍል፡ ፲፬፡ ወልድየ፡ ዕቀብ፡ ነገረ፡ ዚአየ፡ ወትእዛዘ፡ ዚአየ፡ ኅባእ፡ ኅቤከ፡ ወልድየ፡ አክብሮ፡
 ለእግዚአብሔር፡ ወትጸንዕ፡ ወዘእንበሌሁሰ፡ ኢትፍራህ፡ ባዕደ፡ ዕቀብ፡ ትእዛዘየ፡ ወተሐዩ፡ ወንባበ፡ ዚአየ፡
 ከመ፡ ብንተ፡ ዓይንከ፡ ወደዮ፡ ውስተ፡ አጸብዒከ፡ ወጸሐፍ፡ ውስተ፡ ራህበ፡ ልብከ፡ ክፍል፡ ፲፭፡ በላ፡
 ለጥብብ፡ እኅተ፡ ዚአየ፡ አንቲ፡ ወለአእምሮ፡ ሀገሪተከ፡ ረስያ፡ ከመ፡ ትዕቀብ(ከ)እምብእሲት፡ ነኪርት፡
 ወእኪት፡ ወእመ፡ ነገረ፡ ዘርቅ፡ አምጽአት፡ ለከ፡ እስመ፡ እመስኮተ፡ ቤታ፡ ውስተ፡ መራህብት፡ ትሔውጽ፡
 ዘርእየት፡ እምአብዳን፡ ውሉድ፡ ወሬዛ፡ ነዳየ፡ አእምሮ፡ ዘየሐውር፡ ፍናወ፡ ማዕዘንተ፡ ቤታ፡ ወይትናገር፡
 በጽልመት፡ ሰርከ፡ ሶበ፡ ይከውን፡ ጽማዌ፡ ወጽልመተ፡ ሌሊት፡ ወሶቤሃ፡ ትዳደቆ፡ እንተ፡ ባቲ፡ ትርሲተ፡
 ዝሙት፡ እንተ፡ ትሬሲ፡ ታስርር፡ ልበ፡ ወራዙት፡ ስርርት፡ ይእቲ፡ ወምርዕት፡ ወባቤታኒ፡ ኢየዓርፉ፡
 እገሪሃ፡ ወመዋዕለ፡ ኅዳጠ፡ አፍአ፡ ታንጉጉ፡ ወምዕረ፡ ኅዳጠ፡ ውስተ፡ መራህብት፡ ወውስተ፡ ማዕዘንት፡
 ትጸንሕ፡ ወአኅዘቶ፡ ወስአመቶ፡ ወዘእንበለ፡ ኃፍረት፡ ትቤሎ፡ በገጽ፡ መሥዋዕተ፡ ሰላምየ፡ ውእቱ፡ ዮም

(col. 3) ብዕዓትየ፡ እሁብ፡ በእንተ፡ ዝንቱ፡ መጻእኩ፡ እትቀበልከ፡ እንዘ፡ አፈቅር፡ ገጸ፡ ዚአከ፡ ረከብኩ፡
 በቀጠንት፡ ገለድኩ፡ ምስካብየ፡ ወዘርቤታተ፡ ነጸፍኩ፡ {.(ዘ)}እምብደ፡ ነስነስኩ፡ ምስካብየ፡ መጽርየ፡
 ወቤትየኒ፡ በቀናንሞስ፡ ነዓ፡ ናስተሐውዝ፡ በተስዕሞ፡ እስከ፡ ነግህ፡ ወናንገርግር፡ በተፋቅሮ፡ እስመ፡
 ኢሀሎ፡ ምትየ፡ ውስተ፡ ቤቱ፡ ወራረ፡ ርኅቅ፡ ብሔረ፡ ዕቅረ፡ ወርቅ፡ ነሢአ፡ ውስተ፡ እዴሁ፡
 ወበመዋዕል፡ ብዙኅ፡ እመ፡ ገብአ፡ ውስተ፡ ቤቱ፡ ወአስሐተቶ፡ በብዙኅ፡ ነገር፡ ወበመሥገርተ፡ ከናፍር፡
 ሰ{.}ሐብቶ፡ ወተለዋ፡ ደኒኖ፡ ከመ፡ ላህም፡ ዘየሐውር፡ ለተጠብሐ፡ ወከመ፡ ከልብ፡ ለተዓሥሮ፡ ወከመ፡
 ኅዩል፡ ዘተነድፈ፡ ወተሐይጸ፡ ከብዶ፡ ወይጌጉዕ፡ ከመ፡ ያፍ፡ ለመሥገርት፡ ወኢየአምር፡ ከመ፡ በነፍሱ፡
 ይረውጽ፡ ይእዜኒ፡ ወልድየ፡ ስምዓኒ፡ ወአጽምዕ፡ ቃለ፡ አፋየ፡ ኢይትመየጥ፡ ውስተ፡ ፍናዊሃ፡ ልብከ፡
 ወኢትስሐት፡ ውስተ፡ {...(አሰራ)}፡ ብዙኃ፡ አቀሲላ፡ አስሐተት፡ ወአልዕ፡ ጉልቀኑ፡ እለ፡ ቀተለት፡
 ፍናወ፡ ሲአል፡ ቤታ፡ እለ፡ ያወርዱ፡ ውስተ፡ መዛግብቲሁ፡ ለሞት፡ አንተሰ፡ ጥበበ፡ ስብክ፡ ከመ፡
 አእምሮ፡ ታውሥእከ፡ እስመ፡ ውስተ፡ ጽንፈ፡ ነዋሃት፡ ይእቲ፡ ወማዕከለ፡ ፍናው፡ ቆመት፡ ውስተ፡
 አናቅጺሆሙ፡ ለኃያላን፡ ትጸንሕ፡ ወውስተ፡ ፍናው፡ ትሴባሕ፡ ኪያክሙ፡ ሰብአ፡ አስተበቁዕ፡ ወእነግር፡
 ቃለ፡ ዚአየ፡ ለውሉደ፡ ሰብእ፡ አእምሩ፡ የዋሃን፡ ተጠብቦ፡ ወአብዳን፡ አንብሩ፡ ልበ፡ ስምዑኒ፡ እስመ፡

መፍትወ፡ አየድዕ፡ ወአወፅአ፡ እምከናፍርየ፡ ርቱዓ፡ እስመ፡ ጽድቀ፡ ትሜህር፡ ጉርዔየ፡ ርኩሳት፡
በቅድሜየ፡ ከናፍረ፡ ሐሰት፡ ወበጽድቅ፡ ኩሉ፡ አፉየ፡ ወአልቦ፡ ውስቴቶሙ፡ ጠዋይ፡ ወማዕቅፍ፡ ኩሉ፡
ርቱዕ፡ ቅድሜሆሙ፡

f. 84r

(col. 1) ለእለ፡ የአምሩ፡ ወርቱዕ፡ ለእለ፡ ይረክቡ፡ ልቡና፡ ንሥኡ፡ ትምህርተ፡ እምብሩር፡ ወአእምሮ፡
እምወርቅ፡ ፍቱን፡ ተወከፉ፡ ተዓውቆ፡ እምወርቅ፡ ጽሩይእስመ፡ ትጌይስ፡ ጥበብ፡ እምዕንቅሩ፡ ዘብዙኅ፡
ሄጡ፡ ኩሉ፡ ክብር፡ ኢመጠና፡ ላቲ፡ አነ፡ ጥበብ፡ አኅደርኩ፡ ምክረ፡ ወአእምሮ፡ ወሕሊና፡ አነ፡ ጸዋዕኩ፡
ፈራሄ፡ እግዚአብሔር፡ ይጸልዕ፡ ዓመ፡ ጽልዓ፡ ወትዕቢተ፡ ወፍናወ፡ እኩያተ፡ ጸላእኩ፡ አንሰ፡ ጠዋየ፡
ፍናወ፡ እኩያን፡ ሊተ፡ ምክር፡ ወዕዘዝ፡ ሊተ፡ አእምሮ፡ ወሊተ፡ ጽንዕ፡ ብየ፡ ነገሥት፡ ይነግሡ፡ ወኃያላን፡
ይጽሕፉ፡ ጽድቀ፡ ወይፈትሑ፡ ርትዓ፡ ብየ፡ ይከብሩ፡ ዓቢያን፡ ወመኳንንት፡ ብየ፡ ይእኅዙ፡ ምድረ፡ አነ፡
እለ፡ ያፈቅሩኒ፡ አፈቅር፡ ወእለ፡ የኃሥሡ፡ ኪያየ፡ ይረክቡ፡ ሞገሰ፡ ብዕል፡ ወክብር፡ ኀቤየ፡ ሀሎ፡ ጥሪት፡
ብዙኅ፡ ወጽድቅ፡ ይጌይስ፡ ኪያየ፡ ኃርይ፡ እምወርቅ፡ ወእ{.....(ምዕንቅሩ፡ ክብር)}፡ ወፍሬ፡ ዘአየ፡
ይጌይስ፡ እምብሩር፡ ጽሩይ፡ ውስተ፡ ፍናወ፡ ጽድቅ፡ አንሰሱ፡ ወማዕከለ፡ አሠረ፡ ጽድቅ፡ እትመያየጥ፡
ከመ፡ እክፍሎሙ፡ ጥሪተ፡ ለእለ፡ የአምሩኒ፡ ወመዛግብቲሆሙ፡ እምላዕ፡ ተድላ፡ እመ፡ ነገርኩክሙ፡
ለለጽባሑ፡ ዘይከውን፡ እዜከር፡ ዘእምዓለም፡ ጉልቁ፡ ክፍ፡ ፲፮፡ እግዚአብሔር፡ ፈጠረኒ፡ ቀዳሜ፡ ፍኖቱ፡
ለተግባሩ፡ እምቅድመ፡ ዓለም፡ ሳረረኒ፡ ከመ፡ እኩን፡ መቅድመ፡ ለተግባሩ፡ እምቅድመ፡ ይሳርር፡ ዓለመ፡
መቅድመ፡ ዘእንበለ፡ ይግበና፡ ምድረ፡ ወዘእንበለ፡ ቀላያተ፡ ይግበር፡ ወዘእንበለ፡ ይፃኡ፡ አንቅዕተ፡ ማያት፡
ወዘእንበለ፡ አድባር፡ ይጠዓጥዑ፡ ወእምቅድመ፡ አውግር፡ ወለደኒ፡ ወእግዚአብሔር፡ ገብረ፡ በሐውርተ፡
ወአጽናፈ፡ ዘይትኃደር፡ እምሰማይ፡ አመያስተዴሉ፡ ሰማያተ፡ ሀሎኩ፡ ወአመ፡

(col. 2) ያጸንዕ፡ መንበረ፡ ዚአሁ፡ ላዕለ፡ ነፋሳት፡ ወአመ፡ ጽኑዓ፡ ይገብር፡ ዘመልዕልተ፡ ደመናት፡
{.(ወ)}አመ፡ ያጸንዕ፡ አንብር፡ አንቅዕተ፡ ማያት፡ ወአመ፡ ያነብር፡ ለባሕር፡ ወሰነ፡ ወማያትኒ፡ ኢይወፅኡ፡
እምአፈ፡ ዚአሁ፡ ወአመ፡ ፅኑዓ፡ ይገብር፡ መሠረታተ፡ ምድር፡ ሀሎኩ፡ ምስሌሁ፡ እንዘ፡ አስተዋድድ፡
አነ፡ ይእቲ፡ እንተ፡ እትፌሣሕ፡ እንተ፡ ፀብሐት፡ ወእትትኃሠይ፡ በበገጹ፡ በኩሉ፡ ጊዜ፡ ወአመይትፌሣሕ፡
ዓለመ፡ ፈጸሞ፡ ወይትሐሠይ፡ በደቂቀ፡ እንለ፡ እመሕያው፡ ክወይእዜኒ፡ ወልድየ፡ ስምዓኒ፡ ወብፀዓን፡
እለ፡ የዓቅቡ፡ ፍኖትየ፡ ስምዑ፡ ጥበበ፡ ወጥበቡ፡ ወኢትትፈጸሙ፡ ብፁዕ፡ ብእሲ፡ ዘይሰምዓኒ፡ ቃልየ፡
ወብፁዕ፡ (ዘ)ፍኖትየ፡ {.}የዓቅብ፡ ዘይተግህ፡ ውስተ፡ አናቅጸ፡ ዚአየ፡ እንተ፡ ጸብሐት፡ ዘየዓቅብ፡ ራግዛተ፡
መብላየ፡ እስመ፡ ፍናውየ፡ ፍናወ፡ ሕይወት፡ ወይዴለው፡ ፈቃዱ፡ በኀበ፡ እግዚአብሔር፡ ወእለሰ፡ ላዕሌየ፡
ይኤብሱ፡ ይጌግዩ፡ ላዕለ፡ ነፍሶሙ፡ ወእለሰ፡ ይጸልዑኒ፡ ያፈቅሩ፡ ሞተ፡ ክፍል፡ ፲፯፡ ጥበብ፡ ሐነጸት፡
ላቲ፡ ቤተ፡ ወዐቀመት፡ ላቲ፡ ፯አዕማደ፡ ዘብሐት፡ ዘዚአሃ፡ ጥብሐ፡ ቶስሐት፡ ውስተ፡ ስያሐ፡ ዘዚአሃ፡
ወይነ፡ ወአስተዳለወት፡ ዘዚአሃ፡ ማዕደ፡ ወፈነወት፡ ዘዚአሃ፡ አግብርተ፡ እንዘ፡ ትጼውዕ፡ በነዋህ፡ ስብከት፡
ውስተ፡ ስያሐ፡ እንዘ፡ ትብል፡ ዘአብድ፡ ውእቱ፡ ይትገኃሥ፡ ኀቤየ፡ {..(ወለ)}እለሂ፡ የሐፅ{.....(ሦሙ፡
አእምሮ፡ ትቤ)}ንዑ፡ ብልዑ፡ ኀብስትየ፡ ወስትዩ፡ ወይንየ፡ ዘቀዳኀኩ፡ ለክሙ፡ ኀድግዋ፡ ለዕበድ፡ ወሕየው፡
ወኀሡ፡ አእምሮ፡ ከመ፡ ትሕየው፡ ወአርትዑ፡ አእምሮ፡ በወይቆ፡ ዘይሜህሮሙ፡ ለእኩያን፡ ይነሥእ፡ ሎቱ፡
ኃሣረ፡ ወዘይጌሥጽ፡ ለረሲዕ፡ የኃይስ፡ ርእሶ፡ ኢትዝልፎሙ፡ ለእኩያን፡ ከመ፡ ኢይጽልዑክ፡ ዝልፎ፡ ለ

(col. 3) ጠቢብ፡ ወያፈቅረክ፡ አብድሰ፡ ይጸልአክ፡ ሀቦ፡ ለጠቢብ፡ ምክንያተ፡ ወያፈደፍድ፡ ጥበበ፡ አምሮ፡
ለጻድቅ፡ ወይዘስክ፡ ተወክፎ፡ ቀዳሚሃ፡ ለጥበብ፡ ፈሪሃ፡ እግዚአብሔር፡ ወምክረ፡ ቅዱሳን፡ አእምሮ፡
ወአእምሮ፡ ሕግሰ፡ ለልብ፡ ሔር፡ ውእቱ፡ በዝ፡ ሥርዓት፡ ብዙኃ፡ መዋዕለ፡ ተሐዩ፡ ወይትዌስካክ፡
ዓመታተ፡ ሕይወት፡ ወልድየእመ፡ ጠቢብ፡ ኮንክ፡ ለርእስክ፡ ጠቢብ፡ ትከውን፡ ለቢጽክ፡ ወእመሰ፡ እኩየ፡
ኮንክ፡ ለባሕቲትክ፡ ትቀድኅ፡ እኪተ፡ ዘያስተዴሉ፡ ሐሰተ፡ ይመስል፡ ከመ፡ ዘያስተዴሉ፡ ነፋሳተ፡

ወውእቱ፡ ከመ፡ ዘይዴግን፡ ያፈ፡ ዘይሠርር። ወኃደገ፡ ፍናወ፡ ዓፀደ፡ ወይኑ፡ ወመንከራከረ፡ ወፍረ፡
 ዚአሁ፡ ረስዓ፡ ወየሐውር፡ ውስተ፡ በድው፡ ገዳመ። ወውስተ፡ ምድር፡ እንተ፡ ተሠርዓት፡ ለጽምዕ፡
 ወያስተጋብእ፡ በእደዊሁ፡ ዘኢይፈረክፍል፡ ፲፰፡ ብእሲት፡ ዕብድት፡ ወመግ{..(ዕዝ)}ት፡ ፅንስተ፡ ኅብስት፡
 ትከውን፡ እንተ፡ ኢተአምር፡ ኃፈረ። ወነበረት፡ ውስተ፡ አንቀጸ፡ ቤታ፡ ውስተ፡ መንበር፡ ገሃደ፡ ወውስተ፡
 መርኅብ፡ ወትጼውዕ፡ ኃላፍያነ፡ ፍኖት፡ እለ፡ ያረትዑ፡ ፍኖቶሙ፡ እለ፡ እምውስቴቶሙ፡ አብድ፡ ይቀርብ፡
 ኅቤሃ፡ ወለዘየሐዕዖ፡ አእምሮ፡ ትኤዝዞ፡ ወትብሎ፡ ኅብስተ፡ ሕቡአ፡ አስተ{...(ሐዊዘ)}ከ፡ ግስስ። ወማየ፡
 {..(ሥ)}ርቅ፡ መዓርዒር፡ ስተይ፡ ወውእቱስ፡ ኢየአምር፡ ከመ፡ እምኃያላን፡ በኅቤሃ፡ ይትሐጉሉ።
 ወመጽፈርተ፡ ሲአል፡ ይትረክብ፡ ወባሕቱ፡ ቅንጽ፡ ወኢትጎንዲ፡ ውስተ፡ መከና፡ ወኢታውትር፡ ዓይነከ፡
 ኅቤሃ፡ ከመ፡ ዘትትዓደው፡ ማየ፡ ነኪር፡ ወትትዓደው፡ ፈለገ፡ ነኪር፡ ወእማየ፡ ነኪር፡ ረኃቅ፡
 ወእምዓዘቅተ፡ ነኪር፡ ኢትሰተይ፡ ከመ፡ ብዙኃ፡ መዋዕለ፡ ትሕየው፡ ወይት

f. 84v

(col. 1) ዌስከከ፡ ዓመታተ፡ ሕይወት። ክፍ፡ ፲፱፡ ወልድ፡ ጠቢብ፡ ያስተፌሥሕ፡ አባሁ፡ ወወልድ፡
 አብድ፡ ያኃዝና፡ ለእሙ፡ ኢይበቅዑ፡ መዛግብት፡ ለኃጥአን፡ ጽድቅስ፡ ታድኅን፡ እምት፡ ኢያስተፃንስ፡
 እግዚአብሔር፡ ነፍስ፡ ጻድቅተ፡ ሕይወተ፡ ረሢዓን፡ የአትት፡ እድ፡ ሀካይ፡ ብእሴ፡ ያቴሕት፡ ወእድ፡
 ጽኑዕ፡ ያብዕል። ወልድ፡ ምሁር፡ ጠቢብ፡ ይከውን፡ ወአብድስ፡ ላዕከ፡ ይፈሲ፡ ርእሶ፡ ድኅነ፡ እመርቄ።
 ወልድ፡ ጠቢብ፡ ነሣኤ፡ ነፍስ፡ ይከውን፡ ወልድ፡ ኃጥእ፡ በውስተ፡ ዐውድ፡ በረከተ፡ እግዚአብሔር፡
 ውስተ፡ ርእሶ፡ ጻድቃን፡ አፈ፡ ረሢዓን፡ ይፈጽም፡ ላህ፡ ግብተ፡ ዝክረ፡ ጻድቃን፡ ምስለ፡ ውዳሴ፡ ወስመ፡
 ረሢዓንስ፡ ይጠፍዕ። ጠቢብ፡ ልብ፡ ይትዌከፍ፡ ትእዛዘ፡ ወዘኢይትዒገሥ፡ በከናፍሪሁ፡ በማዕቅፍ፡ ይወድቅ፡
 ዘየሐውር፡ በየውሃት፡ የሐውር፡ እሙነ። ወዘስ፡ ይትሀወክ፡ ፍናዊሁ፡ ይትከሠታ፡ ዘይትቃጸብ፡ በአዕይንቲሁ፡
 ለእከይ፡ ያስተጋብእ፡ ለሰብእ፡ ኅዘነ። ወዘስ፡ ይዘልፍ፡ ገሃደ፡ ሰላመ፡ ይገብር፡ ነቅዓ፡ ሕይወት፡ ውስተ፡
 እደ፡ ጻድቃን፡ ወለአፈ፡ ረሢዓን፡ ይከድኖ፡ ሐጉል፡ ጽልዓ፡ ያነሥእ፡ መዓት፡ ወለኸሎሙ፡ እለ፡
 ኢይትገዐዙ፡ ይከድኖሙ፡ ፍቅር። ብእሴ፡ ጠቢብ፡ እምከናፍሪሁ፡ ያወፅእ፡ ጥበበ፡ በበትር፡ ይዘበጥ፡ ብእሴ፡
 ዘእንበለ፡ ልብ፡ ጠቢብ፡ የኃብእ፡ አእምሮ፡ አፍ፡ ጉጉ፡ ዕ፡ ይቀርብ፡ ለቅጥቃጤ፡ ጥሪቶሙ፡ ለአብዕልት፡
 ሀገር፡ ፅንዕት፡ ቅጥቃጤሆሙ፡ ለረሢዓን፡ ንዴተ፡ አእምሮ፡ ግብረ፡ ጻድቃን፡ ሕይወተ፡ ይገብር፡ ወፍሬ፡
 ረሢዓን፡ ኃጢአት፡ ፍናወ፡ ሕይወት፡ የዓቅብ፡ ተግሣጽ፤ በተግሣጽ፡ ዘኢይዘለፍ፡ ይስሕት፡ ይከድና፡
 ጽልዓ፡ ከናፍር፡ ልሙጻት። ወእለስ፡ ያወፅኡ፡ ፅዕለተ፡ አብዳን፡ እሙንቱ፡ ወእ

(col. 2) ምብዝኃ፡ ነገር፡ ኢያመሥጥ፡ ኃጥእ፡ እምኃጢአት፡ ወዘይምሕክስ፡ ከናፍሪሁ፡ ማዕምረ፡ ይከውን፡
 ብሩር፡ ርሱን፡ ልሳነ፡ ጽድቅ፡ ወልበ፡ ረሢዓንስ፡ የሐፅ{..}ዕ፡ ከናፍረ፡ ጻድቃን፡ የአምራ፡ ነዋኃ፡
 ወአብዳንስ፡ በንዴት፡ ይመውቱ። በረከተ፡ እግዚአብሔር፡ ላዕለ፡ ርእሰጻድቃን፡ ይእቲ፡ ብዕል፡
 ወኢታመጽእ፡ ኅዘነ፡ ውስተ፡ ልብ፡ በሰሐቁ፡ አብድ፡ ይገብር፡ እኩየ፡ ወጥበቡ፡ ለብእሴ፡ ትወልድ፡
 አእምሮ፡ ውስተ፡ ሐጉል፡ ረሲዕ፡ ይትመየጥ፡ ፍትወቱ፡ ለጻድቅ፡ ሥምርት፡ በኅልፈተ፡ ዓውሎ፡ ይማስን፡
 ረሲዕ። ጻድቅስ፡ ተግኒሠ፡ ለዓለም፡ ይድኅን፡ ከመ፡ ቆዕ፡ ከንቱ፡ ለስነን፡ ወጢስ፡ ለዓይን፡ ከማሁ፡
 ኃጢአት፡ ለእለ፡ አጥረይዋ፡ ፈሪሃ፡ እግዚአብሔር፡ ያነውህ፡ መዋዕለ፡ ወዓመተ፡ ረሢዓን፡ ይውሕድ፡
 ፡ትጎንዲ፡ ትፍሥሕት፡ ምስለ፡ ጻድቃን፡ ተስፋሆሙ፡ ለረሢዓን፡ ትትሐጉል፡ ጽንዑ፡ ለኄር፡ ፈሪሃ፡
 እግዚአብሔር፡ ወቅጥቃጤ፡ ለእለ፡ ይገብሩ፡ እኩየ፡ ጻድቅስ፡ ለዓለም፡ ኢይዔብስ፡ ወረሢዓንስ፡ ኢየሐድሩ፡
 ውስተ፡ ምድር። አፈ፡ ጻድቃን፡ ይትጫኃር፡ ጥበበ፡ ወልሳነ፡ ዓማፅያንስ፡ ይትሐጉል። ከናፍረ፡ ሰብእ፡
 ጻድቃን፡ ያውሕዛ፡ ሞገስ፡ ወአፈ፡ ረሢዓንስ፡ ይትከላዕ፡ መዳልወ፡ ዓመ፡ ርኽስ፡ በኅብ፡ እግዚአብሔር፡
 መዳልወ፡ ጽድቅስ፡ ኅሩይ፡ ሎቱ፡ ኅበቦ፡ ፅዕለተ፡ ህየ፡ ሀሎ፡ ኃሣር፡ አፈ፡ የዋሃን፡ ይትጫሃር፡ ጥበበ፡
 ወተፍጻሜቶሙ፡ ለጻድቃን፡ ይመርሐሙ። ወዕቅጸቶሙ፡ ለረሢዓን፡ ትጼውዎሙ፡ ኢይበቅዕ፡ ንዋይ፡

በዕለተ፡ መዓት፡ ወጽድቅስ፡ ታድሃን፡ እሞት። መዊቶ፡ ጸድቅ፡ ኀደገ፡ ንስሐ፡ ጉቡአ፡ በእድ፡ ይከውን፡
ወሰሐቀ፡ ሞቱ፡ ለረሲዕ፡ ወጽድቁ፡ ለንጹሕ፡ ያረትዕ፡ ፍኖቶ፡ ወኃጢአትስ፡ ትወርድ፡ ዲበ፡ ረሢዓን፡
ጽድቆሙ፡ ለረሢዓን፡ ሰብእ፡ ቅፃልሐሙ፡ በኢ

(col. 3) ያእምሮቶሙ፡ ይትአጎዙ፡ ኃጥአን፡ መዊቶ፡ ብእሲ፡ ኢየሐጉል፡ ተስፋሁ፡ ትምክሕቶሙስ፡
ለረሢዓን፡ ትጠፍዕ። ጸድቅስ፡ እማዕገት፡ ያመሥጥ፡ ወቤዛ፡ ዚአሁ፡ ይትወሀብ፡ ረሢዕ፡ ውስተ፡ አፈ፡
ረሲዓን፡ መሥገርት፡ ለሀገር፡ ወተዓውቆ፡ ጽድቅስ፡ ፍኖት፡ ሠናይ። በኂሩተ፡ ጸድቃንስ፡ ትረትዕ፡ ሀገር፡
ወበሐጉሎሙ፡ ለረሢዓን፡ ትትፌሣሕ፡ በበረከቶሙ፡ ለራትዓን፡ ትትሌዓል፡ ሀገር። ወበአፉሆሙስ፡
ለረሢዓን፡ ትትገፈታዕ፡ ይሜንኑ፡ ሰብእ፡ ሀገር፡ ነዳየ፡ ጠቢበ፡ ወብእሲስ፡ ጠቢብ፡ ጽማዌ፡ ያመጽእ፡
ብእሲ፡ ዘክልኤ፡ ልሳኑ፡ ይከሥት፡ ምክረ፡ ማኅበር፡ ወምእመነ፡ እስትንፋስስ፡ የኃብእ፡ ምክረ፡ እለ፡
አልበሙ፡ ሐዳፍ፡ ይወድቁ፡ ከመ፡ ቄፅል፡ መድኃኒት፡ በብዙኅ፡ ምክር፡ ይሄሉ፡ እኩይ፡ የአኪ፡ ሶበ፡
ይዴመር፡ ምስለ፡ ጸድቅ፡ ወይጸልዕ፡ ድምፀ፡ ዑቃቤ። ክፍ፡ ፳፡ ብእሲት፡ ጌርት፡ ታነሥእ፡ ለምታ፡
ክብረ፡ መንበረ፡ ኃሣር፡ ብእሲት፡ እንተ፡ ትጸልዕ፡ ጽድቀ፡ ሀካያን፡ እምብዕል፡ ይነድዩ፡ ወጽኑዓንስ፡
ይዴግኑ፡ ብዕለ፡ ለነፍሱ፡ ይገብር፡ ሠናየ፡ ብእሲ፡ መሐሪ፡ ወያማስን፡ ሥጋሁ፡ ዘኢይምህር፡ ረሢዕ፡
ይገብር፡ ምግባረ፡ ዓመፃ፡ ወለዘርአ፡ ጸድቃንስ፡ ዓስብ፡ ህልው፡ ወልድ፡ ጸድቀይትወለድ፡
{.....(ለሕይወት)}፡ ወልደተ፡ ረሲዓንስ፡ ለሞት፡ ርኩስ፡ በኅበ፡ እግዚአብሔር፡ ጠዋይ፡ ፍኖት፡ ወኅሩያን፡
በቅድሜሁ፡ ኩሎሙ፡ እለ፡ ንጹሐን፡ በፍኖቶሙ፡ እደ፡ በእድ፡ ዘይእኅዝ፡ በግፍዕ፡ ኢይድሃን።
ወዘይዘርአስ፡ ጽድቀ፡ ዓስበ፡ መሃይምናን፡ ይነሥእ፡ ውፅዕ፡ ወርቅ፡ ውስተ፡ አንፈ፡ ሐራውያ፡ ኅሡም፡
ከማሁ፡ ለብእሲት፡ እኪት፡ ላህያ፡ ፍኖተ፡ ጸድቅ፡ ኩሎ፡ ሠናይ፡ ተስፋሆሙ፡ ለረሲዓን፡ ይትሐጉል።
በእለ፡ ዘዚአሆሙ፡ ይዘርኡ፡ ወያፈደፍዱ፡ ወቦ፡ {.....(እለ፡ እንዘ)}፡ ያስተጋብኡ፡ የሐ

f. 85r

(col. 1) ፅፁ፡ ወኩሎ፡ ነፍስ፡ እንተ፡ ትባርክ፡ ስፍሕት፡ ወብእሲስ፡ መዓትም፡ ኅሡምወዘያበዝኅ፡ ሥርናየ፡
የኃድኅ፡ ለአሕዛብ፡ ወበረከት፡ ውስተ፡ ርእሱ፡ ለዘይምህር፡ ወይሁብ፡ ዘይሄሊ፡ ሠናየ፡ ይፈቅድ፡ ክብረ፡
ሠናየ፡ ዘስ፡ የኃሥሣ፡ ለእኪት፡ ትረክቦ፡ ዘይትዌከል፡ በብዕሉ፡ ወውእቱ፡ ይወድቅ፡ ወዘይትዌከፎሙስ፡
ለጸድቃን፡ ይሠርዕ፡ ዘኢ(የ)ዓውቅ፡ ቤቶ፡ ይወርሶ፡ ነፋስ፡ ይትቀነይ፡ አብድ፡ ለጠቢብ፡ እምፍሬ፡ ጽድቅ፡
ይወፅዕ፡ ዕፀ፡ ሕይወት፡ ይሴስላ፡ ግብተ፡ ነፍሳተ፡ ዓማዕያን፡ ወሶበ፡ ጸድቅ፡ እምዕፁብ፡ ይድኅን፡ ረሲዕ፡
ወኃጥእ፡ በአይቱ፡ ያስተርኢ፡ ዘያፈቅር፡ ተግሣጸ፡ ያፈቅር፡ አእምሮ። ወዘይጸል(ዕ)፡ ተግሣጸ፡ አብድ፡
ውእቱ። ይጌይስ፡ ዘረከበ፡ ሞገስ፡ እምኅበ፡ እግዚአብሔር፡ ወብእሲስ፡ ዓማፂ፡ ይትሔየይ፡ ወዘኢያረትዕ፡
ሰብእ፡ እምዓመፃ፡ ይትሐጉል፡ ወሥርዉ፡ ጸድቃንስ፡ ኢይትመሐው፡ ብእሲት፡ አዛዝ፡ አክሊል፡ ለምታ፡
ከመ፡ ዕፂ፡ ለዕፅ፡ ከማሁ፡ ብእሴ፡ ታሐጉል፡ ብእሲት፡ እኪተ፡ ምግባር፡ ሕሊናሆሙ፡ ለጸድቃን፡ ፍትሕ፡
ይጌድፋ፡ ረሢዓን፡ ኅብለ፡ ወነገረ፡ ረሢዓንስ፡ ጉሕሎት፡ አፈ፡ ራትዓንስ፡ ያድኅኖሙ፡ ኅበ፡ ተመይጠ፡
ረሢዕ፡ ይማስን፡ አብያተ፡ ጸድቃንስ፡ ይሔልው፡ አፈ፡ ጠቢብ፡ ይትዌደስ፡ በኅበ፡ ሰብእ፡ ወአፈ፡
አብዳንስ፡ ይትሜነን፡ ይጌይስ፡ ብእሲ፡ ዘበኃሣሩ፡ ይትቀነይ፡ ሎቱ፡ እምነ፡ ክብረ፡ ያነብር፡ ሎቱ፡
ወይትፈዓም፡ ኅብስተ፡ ይምህር፡ ጸድቅ፡ ነፍስ፡ እንስሳሁ፡ ወምሕረቶሙስ፡ ለረሢዓን፡ ኢምጽዋት፡
ዘይትጌበራ፡ ለምድር፡ ያበዝኅ፡ ኅብስተ፡ ወዘይዴግንስ፡ ዕርዓተ፡ ያስተጋብዕ፡ ንዴተ፡ እስመ፡ ውእቱ፡ ነዳየ፡
አእምሮ። ዝውእቱ፡ ምዑዝ፡ ለመትልወ፡ ወይን፡ ለኃይለ፡ ዚአሁ፡ የኃድግ፡ ኃሣረ፡ ፍትወተ፡ ረሢዓ

(col. 2) ን፡ እኪት፡ ወሥርዎሙስ፡ ለ{.}ጌራን፡ ውስተ፡ ፅንዕ፡ በኃጢአተ፡ ከናፍሪሁ፡ ይወድቅ፡ ውስተ፡
መሥገርት፡ ኃጥእ፡ ወያመሥጥ፡ እምኔሆሙ፡ ጸድቅ፡ ዘይኔጽር፡ ስፋሐ፡ ይትሜሀር። ዘስ፡ ይዳደቅ፡
በአናቅጽ፡ ያመነድብ፡ ነፍሳተ፡ እምፍሬ፡ አፋሁ፡ ነፍስ፡ ብእሲ፡ ይመልዕ፡ በረከተ፡ ወዕሄተ፡ ከናፍሪሁ፡
ይትወሀብ፡ ሎቱ። ፍኖተ፡ አብዳን፡ ርቱዕ፡ በቅድሜሆሙ፡ ይሰምዕ፡ ምክረ፡ ጠቢብ፡ አብድ፡ እንተ፡

ጸብሐት፡ ይነግር፡ መዓቶ፡ የኃብእ፡ ኃሣር፡ ማዕምር፡ እንተ፡ ታስተርኢ፡ ሃይማኖተ፡ ይነግር፡ ጻድቅ፡ ብእሲ፡ ወሰማዕተ፡ እኩያንሰ፡ ሕብል፡ እለሰ፡ ይከውኑ፡ {.....(ስምዓ፡ በሐሰት)}፡ ይቀትሉ፡ በመጥባሕት፡ እስመ፡ ንቡር፡ ውስተ፡ አፋሆሙ፡ መጥባሕት፡ ወልሳነ፡ ወቢባን፡ {.....(ሰ፡ ይፌውስ፡ ዘቄስለ)}፡ ከናፍረ፡ ጻድቃንሰ፡ ያረትዕ፡ ስምዓ፡ ወሰማዕት፡ {.}፡ ጉጉዕ፡ በልሳን፡ እኩይ፡ ህብል፡ ውስተ፡ ልቡ፡ ለዘይሔሊ፡ እኩየ፡ ወእለሰ፡ ይፈቅዱ፡ ሰላመ፡ ይትፌሥሑ፡ ኢያሠምር፡ ለጻድቅ፡ ምንትኒ፡ እኩይ፡ ወረሢዓንሰ፡ ያበዝኑ፡ እኩየ፡ ምኑን፡ በኅብ፡ እግዚአብሔር፡ ከናፍረ፡ ሐሰት፡ ወዘይገብር፡ ሃይማኖተ፡ ሥሙር፡ በኅቢሁ፡ ብእሲ፡ ማዕምር፡ መንበረ፡ ጥብብ፡ ወልብ፡ አብዳንሰ፡ ይዳደቅ፡ መርገመ፡ እደ፡ ኅሩያንሰ፡ ይእኅዝ፡ ፍጡነ፡ ወኅቡላንሰ፡ ይከውኑ፡ ለዚዋዌ፡ መደንግ፡ ቃል፡ የሐውክ፡ ልብ፡ ብእሲ፡ ጻድቅ፡ ወዜና፡ ሠናይሰ፡ ያስተፌሥሑ፡ ልብ፡ ማዕምር፡ ርእሱ፡ ጻድቅ፡ ውእቱ፡ ለርእሱ፡ ወግዕዞሙስ፡ ለረሢዓን፡ አኮ፡ አዳም፡ ለእለ፡ ይኤብሱ፡ ይዴግኖሙ፡ እኩይ፡ ወፍኖቶሙ፡ ለረሢዓን፡ ታስሕቶሙ፡ ይዳደቅ፡ ኅብል፡ ለአሥግሮ፡ ጥሪት፡ ክቡር፡ ብእሲ፡ ንጹሕ፡ ውስተ፡ ፍናው፡ ጽድቅ፡ ሕይወት፡ ወእለሰ፡ ይዜከሩ፡ እኩየ፡ ውስተ፡ ሞት፡ ይወርዱ፡ ወልድ፡ ማዕምር፡ ሰማዔ፡ አብ፡

(col. 3) ይከውን፡ ወወልድሰ፡ ዘኢይሰምዕ፡ ይከውን፡ ለሐጉል፡ ወእምፍሬ፡ ጽድቁ፡ ይበልዕ፡ ጌር፡ ወነፍሰ፡ ዓማዕያንሰ፡ ይትሐጉሉ፡ ቆረሙ፡ ዘየዓቅብ፡ አፋሁ፡ ይትመሐፀና፡ ለነፍሱ፡ ወጉጉዕስ፡ በከናፍሪሁ፡ ያወድቅ፡ ርእሱ፡ ውስተ፡ ፍትወት፡ ሀሎ፡ ኩሉ፡ ዘኢይትቀነይ፡ ወእዴሆሙስ፡ ለጌራን፡ ያስተሐምም፡ ቃለ፡ ዓመ፡ ይጸልዕ፡ ዳድቅ፡ ወረሢዕሰ፡ የኃፍር፡ ወኢይመጽእ፡ ገሃደ፡ ጽድቅ፡ ተዓቅቦሙ፡ ለየዋሃን፡ በፍኖት፡ ለረሢዓንሰ፡ ዕቡስ፡ ትሬስዮሙ፡ ኃጢአት፡ ቦ፡ እለ፡ ያሌዕሉ፡ ርእሶሙ፡ እንዘ፡ ምንትኒ፡ አልቦሙ፡ ወቦ፡ እለ፡ ያቴሕቱ፡ ርእሶሙ፡ እንዘ፡ ብዙኅ፡ ብዕሎሙ፡ ቤዛ፡ ነፍሱ፡ ለብእሲ፡ ጥሪተ፡ ብዕሉ፡ ወነዳይሰ፡ ኢይትቃወም፡ መዓተ፡ ብርሃን፡ ለጻድቃን፡ በኩሉ፡ ጊዜ፡ ወብርሃነ፡ ረሢዓንሰ፡ ትጠፍዕ፡ ነፍሳተ፡ ኅቡላንሰ፡ ይሰኅታ፡ በኃጢአት፡ ወጻድቃንሰ፡ ይምህሩ፡ ወይመጸውቱ፡ እኩይ፡ ዘምስለ፡ ፅዕለቱ፡ ይገብር፡ እኩየ፡ ወእለሰ፡ የአምሩ፡ ርእሶሙ፡ ጠቢባን፡ እሙንቱ፡ አጥርዮ፡ ዘይንጉዕ፡ በኃጢአት፡ ውሑደ፡ ይከውን፡ ወዘሰ፡ ያስተጋብእ፡ ለርእሱ፡ በጽድቅ፡ ያፈደፍድ፡ ጻድቅ፡ ይምህር፡ ወይሌቅሕ፡ ይጌይስ፡ ዘይዌጥን፡ {.}፡ ይርዳዕ፡ ነፍሱ፡ እምነ፡ ዘይብዕል፡ ወያጽንሕ፡ ለተስፋዕ፡ ሕይወት፡ ፍኖት፡ ሠናይ፡ ዘያስትት፡ ግብረ፡ እግዚአብሔር፡ ውእቱኒ፡ ያስትቶ፡ ወዘሰ፡ ይፈርህ፡ ትእዛዘ፡ የሐዩ፡ ቦቱ፡ ለወልድኒ፡ ኅቡል፡ አልቦቱ፡ ምንትኒ፡ ሠናይ፡ ለገብር፡ ጠቢብ፡ ሠናየ፡ ይከውን፡ ምግባሩ፡ ወይረትዕ፡ ፍኖቱ፡ ሕገ፡ ጠቢብ፡ ነቅዓ፡ ሕይወት፡ ወዘእንበለ፡ ልብሰ፡ በአበሳ፡ ይመውት፡ አእምሮ፡ ሠናይ፡ ይሁብ፡ ጥበብ፡ ወሞ(ገ)ስ፡ ወፍናዊሆሙስ፡ ለሕዩያን፡ ውስ

f. 85v

(col. 1) ተ፡ ሐጉል፡ ኩሉ፡ ማዕምር፡ ይገብር፡ በምክር፡ ወአብድሰ፡ አስረረ፡ እኩየ፡ ዚአሁ፡ ላዕክ፡ አብድ፡ ይወድቅ፡ ውስተ፡ እኪት፡ ሐዋርያ፡ ጠቢብ፡ ያድኅን፡ ርእሱ፡ ንዴተ፡ ወኃሣረ፡ ያሴስል፡ ትምሕርት፡ ወዘየዓቅብ፡ ተግሣጸ፡ ይከብር፡ ፍትወት፡ ጌራን፡ ያጥኢ፡ ነፍሱ፡ ወምግባረ፡ ረሢዓንሰ፡ ርሑቅ፡ እምአእምሮ፡ ዘይጸመር፡ ምስለ፡ ጠቢብ፡ ጠቢብ፡ ይከውን፡ ወዘሰ፡ ያንዘሐልል፡ ምስለ፡ አብዳን፡ የዓኬ፡ ለእለ፡ ይኤብሱ፡ ይዴግኖሙ፡ እኩይ፡ ወለጻድቃንሰ፡ ይረክቦሙ፡ ሠናይ፡ ጌር፡ ብእሲ፡ ይወርስ፡ ውሑደ፡ ይዘገብ፡ ለጻድቃን፡ ብዕለ፡ ረሢዓን፡ ጻድቃን፡ ይሔልው፡ በብዕል፡ ዓመታተ፡ ብዙኃ፡ ወዓማዕያንሰ፡ ይትሐጉሉ፡ ፍጡነ፡ ዘይምህክ፡ በትሮ፡ ጸልዓ፡ ወልዶ፡ ወዘያፈቅርሰ፡ ወትረ፡ ይጌሥጽ፡ ጻድቅ፡ እንዘ፡ ይበልዕ፡ ይመልዕ፡ ነፍሱ፡ ነፍሱ፡ ረሢዓንሰ፡ ፅኑስ፡ ጠባባት፡ አንስት፡ ሐነጸ፡ አብያተ፡ ወአብዳትሰ፡ ነስታ፡ በእደዊሆን፡ ዘየሐውር፡ ርቱዓ፡ ይፈርሆ፡ ለእግዚአብሔር፡ ወዘሰ፡ ያጠዊ፡ ፍኖቶ፡ ይትሜነን፡ እምአፈ፡ አብዳን፡ ትወፅዕ፡ በትረ፡ ፅዕለት፡ ወከናፍረ፡ ጠቢባን፡ ተዓቅቦሙ፡ ወእደ፡ አልቦ፡ አልህምት፡ ምጽንጋዕ፡ ንጹሕ፡ ወእደሰ፡ ብዙኅ፡ እክል፡ ይትዓወቅ፡ እምኃይለ፡ ላህሙ፡ ሰምዓ፡

መሃይምናን፡ ኢይሔሱ፡ ወያነድድ፡ ነፍሱ፡ ሰማዕተ፡ ሐሰት፡ ተጋሥሣ፡ ለጥበብ፡ በኀበ፡ እኩያን፡
 ወኢትረክባ፤ ወአእምሮሱ፡ በኀበ፡ ጠቢባን፡ ቀሊል፡ ኩሉ፡ ርቱዕ፡ በቅድሜሁ፡ ለብእሲ፡ አብድ። ወልታ፡
 አእምሮ፡ ከናፍረ፡ ጠቢባን፡ ጥበብ፡ ማዕምራን፡ ተአምር፡ ፍኖቶሙ፡ ወለእለ፡ ዘእንበለ፡ {.(ል)}-ብስ፡
 ውስተ፡ ስሒት፡ ይከውን፡ ፍኖቶሙ፡ አብያቲሆሙ፡ ኃጥአን፡ ይፈድዩ፡ ለንጹሐን፡ ወአብያተ፡ ጻድቃንስ፡
 ስውር። ልበ፡

(col. 2) ብእሲ፡ ማዕምር፡ ኃዘን፡ ለነፍሱ፡ ወሶበሂ፡ ይትፌሣሕ፡ ኢይትሐወሶ፡ ጸልዕ።አብያተ፡ ረሲዓን፡
 ይማስኑ፡ ወማኅደረ፡ ራትዓንስ፡ ይቀውም። ቦ፡ ፍኖት፡ እንተ፡ ትመስል፡ ርትዕተ፡ በኀበ፡ ሰብእ፡
 ወደጋሪታስ፡ ታበጽሕ፡ ውስተ፡ ማዕምቅተ፡ ሲኦል። ውስተ፡ ፍሥሐ፡ ኢይዴመር፡ ኀዘን፡ ደጋሪታ፡
 ለፍሥሐ፡ ውስተ፡ ላህ፡ ትገብዕ፡ እምፍኖተ፡ ዚኦሁ፡ ይመልዕ፡ ዕቡየ፡ ልብ፡ ወእምሕሊናሁ፡ ብእሲ፡ ኄር፡
 የዋህ፡ የአምን፡ ኩሉ፡ ነገረ፡ ማዕምር፡ ባሕቱ፡ ይገብዕ፡ ውስተ፡ ንስሐ፡ ጠቢብ፡ ፈሪሆ፡ ተግሣሠ፡
 እምእኩይ፡ ወአብድሰ፡ ተአሚኖ፡ ርእሰ፡ ይጸመር፡ ምስለ፡ አብዳን፡ መዓትም፡ ይገብር፡ ዘእንበለ፡ ምክር።
 ብእሲስ፡ ጠቢብ፡ ብዙኃ፡ ይትዔገሥ፡ ይትካፈሉ፡ አብዳን፡ እኩየ፡ ወማእምራንስ፡ ይእኅዝዋ፡ ለጠይቆ።
 ይድኅ፡ እኩያን፡ በቅድመ፡ ኄራን፡ ወረሢዓን፡ ይትቀነዩ፡ በኖሳተ፡ ጻድቃን፡ አዕርክተ፡ አብዕልት፡
 ይጸልዑ፡ አዕርክተ፡ ነዳያን፡ አዕርክተ፡ አብዕልትስ፡ ብዙኃን፡ ዘይሜንኖ፡ ለነዳይ፡ ይነዲ፡
 ወዘይምህ{..(ሮሰ)}ለፅኑስ፡ ብፁዕ፡ ውእቱ፡ ስሒታን፡ ይሔልዩ፡ እኩየ፡ ሣህለ፡ ወጽድቀ፡ ይሔልዩ፡ ሔራን፡
 ኢየአምሩ፡ ሣህለ፡ ወምሕረተ፡ ፀረብተ፡ አኪት፡ ምሕረት፡ ባሕቱ፡ ወሃይማኖት፡ ኀበ፡ ፀረብት፡ ኄራን፡
 በኩሉ፡ ሕሊና፡ ትሩፍ፡ ውእቱ፡ ወላህይሰ፡ ዘኢየሐምም፡ ፅኑስ፡ ውእቱ። ክፍ፡ ፳፩፡ አክሊሎሙ፡
 ለጠቢባን፡ ማዕምር፡ ወመምህሮሙ፡ ለአብዳን፡ እኩይ፡ ያድኅን፡ ነፍሱ፡ እምእኩይ፡ ሰማዕት፡ ማዕምር፡
 ያነድድ፡ በሐሰት፡ መዓምፅ፡ በፍርሃተ፡ እግዚአብሔር፡ ተስፋ፡ ኃያል፡ ወየጋድግ፡ ለደቂቁ፡ ጽንዓ፡ ትእዛዘ፡
 እግዚአብሔር፡ ነቅዓ፡ ሕይወት፡ ወይሬሲ፡ ከመ፡ ይትገኝሡ፡ እመሥገርተ፡ ሞት። በብዝኃ፡ አሕዛብ፡
 ክብሩ፡ ለንጉሥ፡ ወበውሕደተ፡ ሕዝብ፡ ድቀቱ፡ ለመኰንን፡ ብእሲ፡

(col. 3) መስተዓግሥ፡ ብዙኃ፡ ጥበብ፡ ይከውን፡ ወሕፁ፡ ነፍሱስ፡ ጽኑዕ፡ ዓብድ፡ ውእቱ፡ ዓራቂ፡ ብእሲ፡
 መፈውሰ፡ ልብ፡ ከመ፡ ነቅዝ፡ ለአዕፅምት፡ ቅንዓት፡ ወትዝገርት፡ እኩይ፡ ልበ፡ ማዕምር፡ ዘይትዔገል፡
 ነዳየ፡ ይዌህኮ፡ ለፈጣሪሁ። ወዘያኩብሮሰ፡ ይምህር፡ ነዳየ፡ በእኩየ፡ ይትአተት፡ ረሢዕ፡ ወዘይትአመንሰ፡
 ኀሩቶ፡ ጻድቅ፡ ውእቱ፡ ውስተ፡ ልበ፡ ኄር፡ ተዓርፍ፡ ጥበብ፡ ውስተ፡ ልበ፡ አብድሰ፡ ኢትትአመር፡
 ጽድቅ፡ ታሌዕል፡ ሕዝበ፡ ወየሐፅ፡ ሕዝበ፡ ኃጣውእ፡ ሥመር፡ ለንጉሥ፡ ላዕክ፡ ማዕምር፡ ወበተዓቅቦቱ፡
 ያርኅቅ፡ ኃሣረ፡ እምነፍሱ፡ መዓት፡ ታሐጉል፡ ጠቢባን፡ ወነገር፡ ዘይትጋነይ፡ ይመይጥ፡ መዓተ፡ ቃል፡
 ባሕቱ፡ ማኅዝን፡ ያነሥእ፡ ጽልዓ፡ ልበ፡ ጠቢባን፡ ሠናየ፡ ተአምር፡ ወአፈ፡ አብዳንስ፡ ይዜኑ፡ እኩየ፡
 ውስተ፡ ኩሉ፡ መካን፡ አዕይንቲሁ፡ ለእግዚአብሔር፡ ወያስተሐይጸ፡ እኩያን፡ ወኄራን፡ መፈውሰ፡ ልሳን፡
 ዕፁ፡ ሕይወት፡ ውእቱ። ወዘሰ፡ የዓቀቦ፡ ይመልዕ፡ መንፈሶ፡ ወልድ፡ አብድ፡ ያስተዓኪ፡ ተግሣጸ፡ አብ፡
 ወዘሰ፡ የዓቅብ፡ ተግሣጸ፡ ጠቢብ፡ ውእቱ፡ ወእደ፡ ትበዝኅ፡ ጽድቅ፡ ኃያል፡ ብዙኅ፡ ወረሢዓንስ፡
 እምሥርዎሙ፡ እምድር፡ ይሄረው። ከናፍረ፡ ጠብብት፡ ዕሁር፡ በአእምሮ፡ ወልበ፡ አብዳንስ፡ አኮ፡ ጽኑዕ፡
 መሥዋዕተ፡ ረሢዓን፡ ርኩስ፡ በኀበ፡ እግዚአብሔር፡ ወጸሎተ፡ ኄራንስ፡ ሥመር፡ በኀበሁ፡ ርኩስ፡ በኀበ፡
 እግዚአብሔር፡ ፍኖተ፡ ረሲዓን፡ ለእለስ፡ ይዴግንዋ፡ ለጽድቅ፡ ያፈቅሮሙ፡ እግዚአብሔር፡ ትምህርተ፡
 የዋሃን፡ ትትዓወቅ፡ በኀበ፡ እለ፡ የጋልፋ፡ ወእለ፡ ይጸልዑ፡ ዝልፈተ፡ ይመውቱ፡ በእኩይ፡ ገሃነም፡ ወሞት፡
 ክሡታን፡ በኀበ፡ እግዚአብሔር፡ እፎ፡ እንከ፡ ልበ፡ ሰብእ፡ ኢያፈቅር፡ አብድ፡ እለ፡ ይሄሥጽዎ፡ ወምስለ፡
 ጠቢባን፡ ኢይትናገር፡ ልብ፡ እምከመ፡ ትትፌ

(col. 1) ሣሕ፡ ትበርህ፡ ገጽ። ወእመሰ፡ ተኃዝን፡ {...}ትዴምን፡ ልብ፡ ርትዕት፡ ተኃሥሥ፡ አእምሮ፡ አፈ፡ አብዳን፡ የኃሥሥ፡ እከየ፡ ኩሎ፡ መዋዕለ፡ አዕይንተ፡ እኩያን፡ ይሴፈዋ፡ እከየ፡ ወኄራንሰ፡ ያረምሙ፡ በኩሉ፡ ጊዜ። ትኄይስ፡ ንስቲት፡ መክፈልት፡ በፈሪሃ፡ እግዚአብሔር፡ እመዛግብት፡ ዐበይት፡ ዘበኢፈሪህ፡ ይኄይስ፡ ነጊድ፡ በኃምል፡ ዘበእንተ፡ ፍቅር፡ ወዕሄት፡ እመግዝዕ፡ ዘአልህምት፡ ዘበጽልዕ። ብእሲ፡ መዓትም፡ ያስተዴሉ፡ ጋዕዘ፡ ወመስተዓግሥ፡ እንተ፡ ኮነትኒ፡ ያጠፍዕ፡ መስተዓግሥ፡ ብእሲ፡ ያጠፍዕ፡ ቅስተ። ወረሢዕሰ፡ ያነሥእ፡ ጥቀ፡ ጽልዓ፡ ፍኖተ፡ ሀከያን፡ ንጹፍ፡ አስዋክ፡ {...(ወዘጽ)}ትዓንሰ፡ መጽያሕት፡ ወልድ፡ ጠቢብ፡ ያስተፌሥሕ፡ አባሁ፡ ወወልድ፡ አብድ፡ ያዴዕል፡ ዕም። ፍናወ፡ አብድ፡ ነዳየ፡ አእምሮ፡ ጠዋያት፡ ወብእሲሰ፡ ጠቢብ፡ አርቲያ፡ የሐውር፡ ያጠርዩ፡ ሕሊና፡ እለ፡ ያከብሩ፡ ማኅበረ፡ ውስተ፡ ልበ፡ መካርያን፡ ትነብር፡ ምክር፡ ወኢይሰምዓ፡ ላቲ፡ እኩይ፡ ወአልበ፡ ዘይብል፡ ጥዑመ፡ ወሠዓየ፡ ለማኅበር፡ ፍናወ፡ ሕይወት፡ ሕሊናሁ፡ ለጠቢብ፡ ከመ፡ ተግኒሥ፡ እምሲአል፡ ይድኃን፡ አብያተ፡ ጸዓልያን፡ ያንህል፡ እግዚአብሔር፡ ወያጸንዕ፡ ወሰነ፡ መበለት፡ ምኑን፡ በኅበ፡ እግዚአብሔር፡ ሐልዮ፡ ዓመዓ፡ ወለንጹሐንሰ፡ ነገሮሙ፡ አዳም፡ ያሐጉል፡ ርእሶ፡ ዘህልያነ፡ ይነሥእ፡ ወዘይጸልዕሰ፡ ነሢአ፡ ህልያን፡ ይድኅን፡ በምጽዋት፡ ወበሃይማኖት፡ ይሠረይ፡ ኃጢአት፡ ወበፈሪሃ፡ እግዚአብሔር፡ ይትገኝሥ፡ ኩሉ፡ እኩይ፡ ልበ፡ ጸድቃን፡ ይትሜህር፡ ሃይማኖተ፡ ወአፈ፡ ረሲዓን፡ ያወሥእ፡ እኩያተ፡ ሥሙራት፡ በኅበ፡ እግዚአብሔር፡ ፍናወ፡ ሰብእ፡ ጸድቃን፡ ወበእንቲአሆሙ፡ ጸላእትኒ፡ አዕርክተ፡ ይከውኑ፡ ነዋኃ፡ ይርኅቅ፡ እግዚአብሔር፡ እምረሲዓን፡

(col. 2) ወጸሎተ፡ ጸድቃንሰ፡ ይሰምዕ፡ ይኄይስ፡ ኅዳጥ፡ ሀብት፡ ምስለ፡ ጽድቅ፡ እምብዙኅ፡ ፍሬ፡ ዘምስለ፡ ዓመዓ፡ ልብ፡ ሰማኒ፡ ይሔሊ፡ ጽድቀ፡ ከመ፡ እምኅበ፡ እግዚአብሔር፡ ይርቃዕ፡ አሠሩ፡ ዓይን፡ ዘይኔጽር፡ ሠናየ፡ ያስተፌሥሕ፡ ልበ፡ ወዜና፡ ኄራት፡ ያጠልል፡ አዕፅምተ፡ ወዘይትከላዕ፡ እምተግሣጽ፡ ይጸልዕ፡ ርእሶ፡ ፈሪሃ፡ እግዚአብሔር፡ አእምሮ፡ ሠናይ፡ ወጥበብ። ቀዳሜ፡ ክብር፡ ይእቲ፡ ለዘያወሥ{.(አ)}፡ ላቲ፡ ትተልዎሙ፡ ለየዋሃን፡ ክብር፡ ኩሉ፡ ምግባሩ፡ ለትሑት፡ ሥሙር፡ በኅበ፡ እግዚአብሔር፡ ወረሢዓንሰ፡ ይትሐጉሉ፡ በዕለት፡ እኪት፡ ርኩስ፡ በኅበ፡ እግዚአብሔር፡ ኩሉ፡ ዕቡየ፡ ልብ፡ እደ፡ በእድ፡ ዘይእኅዝ፡ በዓመዓ፡ ኢይነጽሕ፡ ቀዳሜ፡ ፍናት፡ ኄርት፡ ገቢረ፡ ጽድቅ፡ ሥሙር፡ በኅበ፡ እግዚአብሔር፡ ጥቀ፡ እምዘቢሐ፡ መሥዋዕት፡ ዘየኃሥሥ፡ ለእግዚአብሔር፡ ይረክብ፡ አእምሮ፡ በጽድቅ፡ ወእለሰ፡ ርትዓ፡ የኃሥሡ፡ ይረክቡ፡ ሰላመ፡ {...}፡ ኩሉ፡ ምግባሩ፡ ለእግዚአብሔር፡ ምስለ፡ ጽድቅ፡ ይትዓቀብ፡ ረሢዕ፡ ለዕለት፡ እኪት። ክፍል፡ ፳፪፡ ሰገል፡ ውስተ፡ አፈ፡ ንጉሥ፡ ወበፍትሕ፡ ኢይጌጊ፡ አፋሁ፡ ከመ፡ ግምጸተ፡ ለጽሊለ፡ መዳልው፡ ፍትሐ፡ እግዚአብሔር፡ ምግባሩሂ፡ አዕባነ፡ ቍናማት፡ ምኑን፡ በኅበ፡ እግዚአብሔር፡ መዳልው፡ ዓመዓ። ምኑን፡ በኅበ፡ ንጉሥ፡ ዘይገብር፡ እኩየ፡ ምስለ፡ ጽድቅ፡ ይነብር፡ መንበረ፡ ምኩናን፡ ሥሙር፡ በኅበ፡ ንጉሥ፡ ከናፍረ፡ ጽድቅ፡ ወነገረ፡ {...(ር)}ትዓን፡ ያፈቅር፡ መዓተ፡ ንጉሥመልአከ፡ ሞት፡ ወብእሲሰ፡ ጠቢብ፡ ይየውሆ። ከመ፡ ብርሃነ፡ ፀሐይ፡ ወልደ፡ ንጉሥ፡ ወበ፡ እለ፡ ኢያሠምርዎ፡ ከመ፡ ደመና፡ ምሴት፡ አጥርዮታ፡ ለጥበብ፡ ይትበደ{.....(ር፡ እምወርቅ)}፡ ወአጥርዮታ፡ ለአእምሮ፡ ይኄይስ፡ እምብሩር፡ ፍናወ፡ ሕይወት፡ ያግኅሣ፡ እምእኩይ፡ ወኑኃ፡ መዋዕል፡ ፍናወ፡

(col. 3) ጽድቅ፡ ዘይትዌከፍ፡ ትምህርተ፡ ውስተ፡ ሠናይ፡ ይሄሉ፡ ወዘየዓቅብ፡ ተግሣጽ፡ ይጠብብ፡ ዘየዓቅብ፡ ፍናዊሁ፡ የዓቅብ፡ ነፍሰ፡ እንቲአሁ፡ ዘያፈቅር፡ ሕይወቶ፡ የዓቅብ፡ አፋሁ፡ ዘእንበለ፡ ይቅድም፡ ባዕስ፡ ይቀድም፡ ጽዒል፡ ወእምቅድመ፡ ድቀት፡ አእምሮ፡ እኩይ፡ ይኄይስ፡ ዓራቄ፡ መዓት፡ ዘበአትሕቶ፡ እምዘ፡ ይትካፈል፡ በርበረ፡ ምስለ፡ ፀዓልያን፡ ማእምር፡ ዘበምግባር፡ ረከቢሆን፡ ለኄራት፡ ወዘይትዌከልሰ፡ በእግዚአብሔር፡ ብፁዕ፡ ለጠቢብ፡ ማእምረ፡ ይሠምይዎ፡ ወለጥዑመ፡ ቃል፡ ፈድፋድ፡ ይጸውዕዎ፡ ነቅዓ፡ ሕይወት፡ ሕሊና፡ ሠናይት፡ ለእለ፡ ያጠርይዋ፡ ወትምህርተ፡ አብዳንሰ፡ እኪት፡ ልበ፡ ጠቢብ፡ ይትአመር፡ እምአፋሁ፡ ወውስተ፡ ከናፍሪሁ፡ ይለብስ፡ ተዐውቆ። ጸቃውዓ፡ መዓር፡ ነገር፡ ሠናይት፡ ወመዓርሢድን፡ ፈውሰ፡ ነፍስ። ቦ፡ ፍናው፡ ዘይመስላሑ፡ ለብእሲ፡ ርቱዓተ፡ ወጽንፎን፡ ይኔጽራ፡ መዓምቅተ፡ ሲአል፡

ብእሲ፡ በሕማሙ፡ የሐምም፡ ለርእሱ፡ ወይትኔየል፡ በርእሱ፡ ሐጉለ፡ ወባሕቱ፡ ጠዋይ፡ ውስተ፡ አፉሁ፡
ይለብስ፡ ሐጉለ። ብእሲ፡ አብድ፡ ይከሪ፡ ለርእሱ፡ ወውስተ፡ ከናፍሪሁ፡ ይዘግብ፡ እሳተ፡ ብእሲ፡ ጠዋይ፡
ይልዕክ፡ እከየ፡ ወማኅቶተ፡ ኅብል፡ ታውዕዮሙ፡ ለእኩያን፡ ወትሌሊ፡ አዕርክተ። ብእሲ፡ እኩይ፡ የሀብል፡
አዕርክተ፡ ወይወስዶሙ፡ ፍናወ፡ እለ፡ ኢኮነ፡ ጌራተ፡ ዘያወትር፡ አዕይንቲሁ፡ ይሔሊ፡ ጠዋየ፡ ዘይቤ(ይ)ጽ፡
በከናፍሪሁ፡ ኩሎ፡ እኩየ፡ ዘእቶነ፡ እከይ፡ አክሊለ፡ ምክሕ፡ ርስዕ፡ ወውስተ፡ ፍናወ፡ ጽድቅ፡ ትረክብ።
ይጌይስ፡ ብእሲ፡ ዕጉሥ፡ እምኃያል፡ ወብእሲ፡ ዘጥበብ፡ ቦቱ፡ እምወፍር፡ ዓቢይ፡ ወዘይሢለጥ፡ በመንፈሱ፡
እምዘ፡ ይመልክ፡ ሀገረ፡ ወዘይትዔገሥ፡ መዓተ፡ ይጌይስ፡ እምዘ፡ ያስተጋ

f. 85v

(col. 1) ብዕ፡ ሀገረ፡ ወውስተ፡ ሕፅኑ፡ ያገብዕ፡ ዓማዒ፡ ወእምኅበ፡ እግዚአብሔር፡ ኩሎ፡ ጽድቅ።
ይጌይስ፡ ፍት፡ ጥዑም፡ ምስለ፡ ሰላም፡ እምቤት፡ ዘምሉዕ፡ ብዙኃ፡ ሠናያተ፡ ወእምዘ፡ ዓመ፡ ጥብሕ፡
ምስለ፡ ጋዕዝ፡ ገብር፡ ጠቢብ፡ ይሜብል፡ አጋዕዝተ፡ አብዳነ፡ ወምስለ፡ አኃው፡ ይትካፈል፡ ርስተ፡ በከመ፡
ይትፈተን፡ በከውር፡ ወርቅ፡ ወብሩር፡ ከማሁ፡ ኅሩያነ፡ ልብ፡ በኅበ፡ እግዚአብሔር። እኩይ፡ ይሰምዕ፡
ልሳኖሙ፡ ለእለ፡ ዘእንበለ፡ ሕግ፡ ጻድቅስ፡ ኢይጌጽር፡ ከናፍረ፡ ሐሰት። ወለምእመን፡ ኩሎ፡ ዘበዓለም፡
ንዋዩ፡ ወለዘኢምእመንሰ፡ ኢጸረቅሎቱ። ዘይስሕቆ፡ ለነዳይ፡ ይዌህክ፡ ለፈጣሪሁ። ወዘይትፌሣሕ፡ ላዕለ፡
ዘይትሐጉል፡ ኢይድኅን፡ ወዘይምህርሰ፡ ይትመሐር፡ አክሊሎሙ፡ ለአዕሩግ፡ ውሉደ፡ ውሉድ፡ ወምክሐሙ፡
ለውሉድ፡ አበዊሆሙ። ኢትትዋደዶ፡ ለአብድ፡ ከናፍር፡ መሃይምንት፡ ወኢለጻድቀ፡ ከናፍረ፡ ሐሰት። ዐስበ፡
ሞገስ፡ ትምህርት፡ ለእለ፡ አጥረይዋ። ኅበ፡ ተመይጠት፡ ታሜኒ፡ ፍኖተ፡ ዘየኃብእ፡ አበሳ፡ ይፈቅድ፡
ዓሪቀ። ወዘይጸልዕሰ፡ ኃቢአ፡ ይሌሊ፡ አዕርክተ፡ ወሰብአ፡ ቤት፡ ያኃዝን፡ ትምክዕት፡ ልበ፡ ጠቢብ፡
ወአብድሰ፡ ተቀሚፎኒ፡ ኢይትዓወቆ፡ ቅስተ፡ ያነሥእ፡ ኩሎ፡ እኩይ፡ ወእግዚአብሔር፡ መልዓኮ፡ ዘእንበለ፡
ምሕረት፡ ይፌኑ፡ ሎቱ፡ ይወድቅ፡ ውስተ፡ ትካዝ፡ ብእሲ፡ ማዕምር። ወአብዳንሰ፡ ይሔልዩ፡ እከየ፡
ዘየዓሲ፡ እኩየ፡ ህየንተ፡ ሠናይ፡ {...(ኢያን)}ቀለቅል፡ እኩይ፡ እምነ፡ ቤቱ። ዐዒወ፡ ማይ፡ ቀዳሜ፡ ጽልዕ፡
ሥልጣነ፡ ነገር፡ ይሁብ፡ ቀዳሜ፡ ጽድቅ፡ ወመኩንና፡ ለንዴት፡ ጋዕዝ፡ ወባዕስ፡ ዘከመ፡ ጻድቅ፡ ይኳንና፡
ለኃጥእ። ወዘከመ፡ ኃጥእ፡ ለጻድቅ፡ ርኩስ፡ ወምኑን፡ በኅበ፡ እግዚአብሔር፡ ለምንት፡ ጥሪት፡ ለአብድ፡
አጥርዮታ፡

(col. 2) ለጥበብ፡ ዘእንበለ፡ ልብ፡ ኢይትከህል፡ ዘያነውኅ፡ ቤቶ፡ የኃሥሥ፡ ቅጥቃጤ። ወዘያስተዓዕብ፡
ለተምህር፡ ይወድቀ፡ ውስተ፡ እኪት፡ በኩሎ፡ ጊዜ፡ ዓርክ፡ ዓጥሪ፡ ወአኅወ፡ በምንዳቤ፡ በቋዕያነ፡ ይከውኑ፡
እስመ፡ በእንተዝ፡ ይትወለዱ። ብእሲ፡ አብድ፡ ይጠፍሕ፡ ወይትኃህይ፡ በርእሱ፡ ከመ፡ ዘይትሀበይ፡ ሀቢተ፡
ለዓርኩ፡ መፍቀሬ፡ ጋዕዝ፡ ይትፌሣሕ፡ በባዕስ፡ ወጽኑዓ፡ ልብስ፡ ኢይዳደቅ፡ ሠናየ፡ ብእሲ፡ መያጤ፡
ልሳን፡ ይወድቅ፡ ውስተ፡ እኪት፡ ወልበ፡ አብድሰ፡ ኃዘን፡ ለዘያጠርያ፡ ኢይትፌሣሕ፡ አብ፡ በወልድ፡
ዘእንበለ፡ ትምህርት። ወወልድ፡ ጠቢብ፡ ያስተፌሥሕ፡ እመ፡ ወልብ፡ ፍሥሕት፡ ሠናየ፡ ትገብር። ክፍል፡
፳፫፡ ብእሲ፡ ኅዘኒ፡ ያየብስ፡ አዕፅምቲሁ፡ ዘይነሥእ፡ ኅልያነ፡ ውስተ፡ ሕፅኑ፡ በዓመ፡ ኢያረትዕ፡ ፍትሐ።
ወረሲዕስ። ይትገኃሥ፡ እምፍናወ፡ ጻድቃን። ገጹ፡ ለብእሲ፡ ማዕምር፡ ጠቢብ፡ ወአዕይንቲሁ፡ ለአብድ፡
ውስተ፡ ከተማ፡ ምድር። አዕይንቲሁ፡ ለጠቢብ፡ ዲበ፡ ርእሱ፡ መዓት፡ ለአብ፡ ወልድ፡ አብድ፡ ወኅዘን፡
ለእንተ፡ ወለደቶ፡ አኅሥሮቱ፡ ለብእሲ፡ ጻድቅ፡ አኮ፡ ሠናይ፡ ወአኮ፡ ሠናይለመኳንንተ፡ ጽድቅ፡ ሐቢል፡
ዘይምህክ፡ አውፅኦ፡ ቃል፡ ንቁጸ። ማእምር፡ መስተዓግሥ፡ ብእሲ፡ ጠቢብ፡ አብድ፡ ለአመ፡ ተስዕለ፡
ጥበበ፡ ይከውኖ፡ በእርምሞ፡ ወበተሐክሞ፡ ይትሜሰል፡ ጠቢብ፡ ምክንያተ፡ የኃሥሥ፡ ብእሲ፡ ዘይፈቅድ፡
ይትፈለጥ፡ እምአዕርክት፡ ወበኩሎ፡ ጊዜ፡ ዘንጓጌ፡ ይከውን፡ ኢይፈቅድ፡ ጥበበ፡ ነዳየ፡ አእምሮ። ወባሕቱ፡
ይመልኮ፡ ዕበድ፡ ሶበ፡ መጽአ፡ ረሲዕ፡ ውስተ፡ ዕመቀ፡ እከያት፡ ይትሔየይ፡ ወያመጽእ፡ ኃሣረ፡ ወዝንጓጌ።

ማይ፡ ዕመቅ፡ ቃል፡ ውስተ፡ ልበ፡ ብእሲ፡ ጠቢብ፡ ወፈለግ፡ ዘይፈለፍልወነቅዓ፡ ሕይወት። አንክሮ፡ ገጸ፡
ረሲዓን፡ አኮ፡ ሠናይ፡ ወአኮ፡ አዳም፡ አግኅሦ፡ ጽ

(col. 3) ድቅ፡ በፍትሕ፡ ከናፍሪሁ፡ ለአብድ፡ ያበጽሖ፡ ውስተ፡ እከይ፡ አፋሁ፡ ለጉጉዕ፡ ይጸውዕ፡ ሞተ፡
ለርእሱ፡ አፋሁ፡ ለአብድ፡ ቅጥቃጤሁ፡ ወከናፍሪሁ፡ መስገርተ፡ ነፍሱ፡ ሀካያን፡ ያበዝጉ፡ ፍርሃተ፡
ወመንፈሰ፡ ሰብእ፡ ፅኑሳን፡ ይርህቡ፡ ዘኢይፌውስ፡ ርእሶ፡ በምግባሪሁ፡ እኅሁ፡ ውእቱ፡ ለዘርእሶ፡ ይበልዕ፡
ዓቢይ፡ ኃይል፡ ስመ፡ እግዚአብሔር፡ ወኪያሁ፡ በዴግኖ፡ ጻድቃን፡ ይትሌዓሉ። ጥሪቱ፡ ለብእሲ፡ ባዕል፡
ሀገር፡ ፅንዕት፡ ወክብራ፡ ዓቢየ፡ ትጼልል፡ ዘእንበለ፡ ቅጥቃጤ፡ ይትዔበይ፡ ልበ፡ ብእሲ፡ ወዘእንበለ፡
ክብር፡ ይቴሐት፡ ወዘይነብብ፡ ቃለ፡ ዘእንበለ፡ ይስማዕ፡ አብድ፡ ውእቱ፡ ወሎቱ፡ ምናኔ፡ መዓተ፡ ብእሲ፡
የኃሥእ፡ ገብር፡ ጠቢብ፡ ለሕፁ፡ ነፍስ፡ ብእሲ፡ መኑ፡ ይክሎ፡ ልበ፡ ብእሲ፡ ጠቢብ፡ ያጠሪ፡ አእምሮ፡
እዝነ፡ ጠቢባን፡ የኃሥሥ፡ ቃለ፡ ተግሣጽ፡ ሕሊና፡ ሀብት፡ ብእሴ፡ ያሌዕል፡ ወምስለ፡ መኳንንት፡ ያነብሮ፡
ጻድቅ፡ መስተዋድየ፡ ርእሱ፡ በቅድመ፡ ነገር። ወዘአምጽአ፡ ዕድው፡ ይዘልፍ፡ ጋዕዘ፡ የኃድግ፡ ዕፃ፡
ወማዕከለ፡ ጽኑዓን፡ ይፈልጥ፡ ወካህደ፡ የኃድግ፡ አርማሚ፡ ወበኅበ፡ መኳንንት፡ ይሠርዕ፡ ዕኅው፡ ምስለ፡
እኅሁ፡ ዘይትራዳዕ፡ ከመ፡ ሀገር፡ ፅንዕት፡ ወልዕልት፡ ወጽኑዕ፡ ከመ፡ መሠረት፡ ሱሩር፡ እምፍሬ፡ አፋሁ፡
ብእሲ፡ ይመልዕከርሥ፡ ወእምፍሬ፡ ከናፍሪሁ፡ ይጸግብሞት፡ ወሕይወት፡ ውስተ፡ እደ፡ ልሳን፡ ወእለሰ፡
ያጸንዕዋ፡ ይበልዑ፡ ፍሬሃ። ክፍጃ፡ ዘረከበ፡ ብእሲተ፡ ጌርተ፡ ረከበ፡ ሞገስ፡ ወነሥአ፡ እምኅበ፡
እግዚአብሔር፡ ውሕዋሔ፡ ዘያወፅእ፡ ብእሲተ፡ ጌርተ፡ አውፅአ፡ ሠናያተ። ወዘያነብርሰ፡ ዘምዊተ፡ አብድ፡
ወረሲዕ፡ ውእቱ፡ ዕበዱ፡ ለብእሲ፡ ያጠፍዕ፡ ፍናዊሁ፡ ወለእግዚአብሔር፡ ያስተጋፍአ፡ በልቡ፡ ባዕል፡
ይዌስክ፡ አዕርክተ፡ ብዙኃነ፡ ወነዳይሰ፡ ኪ

f. 87r

(col. 1) {.....(ያሁኒ፡ ዘበ)}፡ የኃጥእ፡ ሰማዕተ፡ ሐሰት፡ ርኩስ፡ ውእቱ፡ ወዘየኃሥሥ፡ በግፍዕ፡
ኢያመስጥ፡ ወብዙኃን፡ ይትለዓኩ፡ ቅድመ፡ ነገሥት፡ ወኸሉ፡ {.....(እኩይሰ፡ ይከውን፡ ዘ)}ንጓጌ፡
ብእሲ፡ ወኸሉ፡ ዘአኃው{.}፡ ነዳያነ፡ ይጸልዕ፡ እምተአኃሁ፡ ርኅቅ፡ ውእቱ፡ ሕሊና፡ ሠናይት፡ ለእለ፡
አጥረይዋትቀርብ፡ ወብእሲ፡ ጠቢብ፡ ይረክባ፡ ዘብዙኃ፡ እከየ፡ ይገብር፡ ይፌጽም፡ እከየ፡ ወዘያስገዝዝ፡
ነገረ፡ ኢይድኅን፡ ዘአጥረያ፡ ለጥበብ፡ ያፈቅር፡ ርእሶ፡ ወዘየዓቅብ፡ አእምሮ፡ ይረክብ፡ ጌረ። ሰማዕተ፡
ሐሰት፡ ኢይድኅን፡ እምኸነኔ፡ ዘያስተዋዕያ፡ ለእከይ፡ ይትሐጉል፡ ባቲ፡ ኢይደልዎ፡ ለአብድ፡ ተድላ፡
ወእመ{.}ገብር፡ አኅዘ፡ ምስለ፡ ዕዕለት፡ ይጌይል፡ መሐሪ፡ ብእሲ፡ ይትዔገሥ፡ ወትምክሕቱ፡ ወምሕረቱ፡
ይትቃወሙ፡ ለኃጥአን። ክፍል፡ ፳፬፡ መዓተ፡ ንጉሥ፡ ከመ፡ ጣኅረ፡ አንበሳ፡ ከመ፡ ጠል፡ ዲበ፡ ሣዕር፡
ከማሁ፡ ውእቱ፡ ውኅዊሁ፡ ኃፍረት፡ ለአብ፡ ወልድ፡ አብድ፡ ወኢኮነ፡ ንጹሐ፡ ጸሎት፡ ምስለ፡ ክልዓት፡
አብያተ፡ ወንዋየ፡ ይከፍሉ፡ አበው፡ ለውሉደሙ፡ በኅበ፡ እግዚአብሔርሰ፡ ትትዋደዱ፡ ብእሲት፡ ለብእሲ፡
ምምዓ፡ ይእኅዙ፡ ለብእሲ፡ ፅኑስ፡ ወነፍስ፡ ዘኢይትቀነይ፡ ይርኅብ፡ ዘየዓቅብ፡ ተግሣጽ፡ ወትእዛዘ፡
ይትመሐፀን፡ ነፍሰ፡ ወዘያስትትሰ፡ ፍናዊሁ፡ ይትሐጉል። ይሌቅሖ፡ ለእግዚአብሔር። {.}ዘይምህር፡ ነዳየ፡
ወበከመ፡ ሀብቱ፡ ይፈድዮ፡ ዝብጥ፡ ወልደክ፡ ይከውን፡ ከመዝ፡ ለተስፋ፡ ወለተፅዕሎሂ፡ ኢታሌዕል፡ እዴከ፡
ብእሲ፡ እኩይ፡ ብዙኃ፡ ያሐጉል፡ ወለእመሰ፡ ሕፁፅ፡ ነፍሶሂ፡ ይዌስክ። ክፍል፡ ፲፭፡ ሰማዕ፡ ወልድየ፡
ተግሣጽ፡ አቡከ፡ ከመ፡ ጠቢብ፡ ትኩን፡ በደኃሪትከ፡ ብዙኅ፡ ሕሊና፡ ውስተ፡ ልበ፡ ብእሲ፡ መምክር።
ወምክሩሰ፡ ለእግዚአብሔር

(col. 2) ር፡ ይሄሉ፡ ለዓለም። ፍሬሁ፡ ለብእሲ፡ ምጽዋት። ይጌይስ፡ ነዳይ፡ ጻድቅ፡ እምባዕል፡ ሐሳዊ፡
ፈሪሃ፡ እግዚአብሔር፡ ሕይወተ፡ ብእሲ፡ ወዘኢይፈርህሰ፡ የኃድር፡ ውስተ፡ መካን፡ ኅበ፡ ኢያስተርኢ፡
አእምሮ፡ የሐብእ፡ ሐካይ፡ እዴሁ፡ ውስተ፡ ሕፅኑ፡ ወኅበ፡ አፋሁ፡ ኢያቀርብ፡ ሕቡል፡ እንዘ፡ ይትቀሠፍ፡
አብድ፡ ጠቢብ፡ ይከውን፡ ወእመሰ፡ ዘለፍኮ፡ ለብእሲ፡ ጠቢብ፡ ይሔሊ፡ አእምሮ፡ ዘያሕሰረስር፡ አባሁ፡

ወእሞ፡ ይትከላዕ፡ ወይትኃፈር፡ ወምኑነ፡ ይከውን፡ ወልድ፡ ዘይትከላዕ፡ እምዓቂበ፡ ትምህርተ፡ አብ፡
ይትሜህር፡ ቃለ፡ እኩየ፡ ዘይትሐበይ፡ ወልደ፡ አብደ፡ ያጼዕል፡ ፍትሐ፡ ለአፈ፡ ረሲዓን፡ ይውሕሞ፡ እኩይ፡
ኩነኔ፡ ወይጸንሐ፡ ሎሙ፡ መቅሠፍት፡ ለእኩያን፡ ወኩነኔ፡ ከማሁ፡ ለአብዳን፡ እኩይ፡ ወይን፡ ለፀዓሊ፡
ወለሰካሪ፡ ወኩሉ፡ ዘያንገረግር፡ ዘያስተፋንዎ፡ ለጽዋዕ፡ ኢኮነ፡ ጠቢበ፡ ወኩሉ፡ አብድ፡ ለዘከመዝ፡ ይፃመር፡
ኢያሐፅ፡ መዓተ፡ ንጉሥ፡ እመዓተ፡ አንበሳ፡ ወዘይዌህኮ፡ ይኤብስ፡ ላዕለ፡ ነፍሱ፡ ክብሩ፡ ለብእሲ፡
ተከልኦ፡ እምፅዕለት፡ ወኩሉ፡ አብድ፡ ዘከመዝ፡ ይጸፈር፡ እንዘ፡ ይዘነጉጉዎ፡ ሐካይ፡ ኢየጋፍር፡ ይስእል፡
በማዕረር፡ ወአልቦ፡ ዘይሁቦ፡ ከማሁ፡ ዘይትሌቃሕ፡ ሥርዓየ፡ ውስተ፡ ክምሩ፡ ማይ፡ ዕሙቅ፡ ውስተ፡ ልበ፡
ብእሲ፡ መምክር፡ ውብእሲ፡ ጠቢብ፡ ይዘልሐ፡ ዓቢይ፡ ወክቡር፡ ብእሲ፡ መሐሪ፡ ወለብእሲ፡ ምእመን፡
በስራሕ፡ ተራክቡቱ፡ ዘየሐውር፡ ንጹሐ፡ ውስተ፡ ጽድቅ፡ ብፁዓነ፡ ይፈስዮሙ፡ ለውሉዱ፡ ሶበ፡ ንጉሥ፡
ጻድቅ፡ ይነብር፡ ዲበ፡ መንበሩ፡ ቅድመ፡ አዕይንቲሁ፡ ኢይትቃወሞ፡ ምንትኒ፡ እኩይ፡ መኑ፡ ይትሜካሕ፡
ልበ፡ ንጹሐ፡ ዘቦ፡ ወመኑ፡ ያስተርኢ፡ ንጹሐ፡ ከዊኖ፡ እምጋጢአት፡ ዘየሐሚ፡ አባሁ፡ ወእሞ፡ ይጠፍዕ፡
ብርሃኑ፡ ውብ

(col. 3) ንተ፡ አዕይንቲሁ፡ ይፈኢ፡ ጽልመተ፡ መክፈልተ፡ ዘይጌጉዕ፡ አቅዲሞ፡ ወበደጋሪቱ፡ ኢይትባረክ፡
ኢትበል፡ እትቤቀሎ፡ ለጸላኢየ፡ ተሰፈዎ፡ ለእግዚአብሔር፡ ከመ፡ ይርዳዕክ፡ መዳልው፡ ዓቢይ፡ ወንዑስ፡
ወመሳፍር፡ ክልኤ፡ ርኩሳን፡ በኅበ፡ እግዚአብሔር፡ ኩሎሙ፡ ወዘይገብሮን፡ በምግባሪሁ፡ ይትዓቀፍ፡ ወሬዛ፡
ጻድቅ፡ ዘርቱዕ፡ ፍኖቱ፡ ወእዝኑ፡ ይሰምዕ፡ ወዓይኑ፡ ይፈኢ፡ ግብረ፡ እግዚአብሔር፡ ኩሎሙ፡ ኢታፍቅር፡
ሐሚየ፡ ከመ፡ ኢትዕትት፡ ወኢትኑም፡ ከመ፡ ኢትንዲ፡ ክሥት፡ አዕይንቲክ፡ ወጽገብ፡ ኅብስተክ፡ ምኑን፡
በኅበ፡ እግዚአብሔር፡ ፪መዳልው፡ መዳልው፡ ሠራቂ፡ አኮ፡ ሠናይ፡ በቅድሜሁ፡ እምኅበ፡ እግዚአብሔር፡
ይረትዕ፡ አሠሩ፡ ለብእሲ፡ ወመዋቲስ፡ እፎ፡ የአምር፡ ፍናዊሁ፡ መሥገርቱ፡ ለብእሲ፡ ጉጉዕ፡ ዘእምዚአሁ፡
ይቋድስ፡ እስመ፡ እምድኅረ፡ በጽእ፡ ንስሐ፡ ይከውኖ፡ መስዔሆሙ፡ ለረሲዓን፡ ንጉሥ፡ ጠቢብ፡ ወይወዲ፡
ሎሙ፡ መንኲራኩረ፡ ርቱዓ፡ ብርሃነ፡ እግዚአብሔር፡ እስትንፋስ፡ ብእሲ፡ ዘከመ፡ ማኅቶት፡
ይ{...(ፈትን)}፡ መዛግብተ፡ ከርሥ፡ ምጽዋተ፡ ወሃይማኖተ፡ ወጽድቀ፡ ይዕቀብ፡ ንጉሥ፡ ወይሚግቡ፡
በጽድቅ፡ መንበሮ፡ ሠርጎሙ፡ ለወራዙት፡ ጥብብ፡ ወክብሮሙ፡ ለልሂቃን፡ ሲበት፡ ምማቱ፡ ወግኅሠት፡
ይዳደቆሙ፡ ለእኩያን፡ ወዝብጠት፡ ውስተ፡ መዛግብተ፡ ከርሥ፡ ከመ፡ ውሒዘተ፡ ማይ፡ ከማሁ፡ ልበ፡
ንጉሥ፡ ውስተ፡ {...(እደ፡ እግዚ)}አብሔር፡ ኅበ፡ ፈቀደ፡ ህየ፡ ይመይጣ፡ ወህየ፡ ትመይስ፡ ኩሉ፡
ብእሲ፡ ያስተርኢ፡ ለርእሱ፡ ጽድቀ፡ ወያረትዕ፡ አልባበ፡ እግዚአብሔር፡ ገቢረ፡ ጽድቅ፡ ህልው፡ ወሥሙር፡
በኅበ፡ እግዚአብሔር፡ ፈድፋደ፡ እምዘቢሐ፡ መሥዋዕት፡ ዓቢይ፡ ሕሊና፡ በፅዕለት፡ ኢጐ

f. 87v

(col. 1) ጉዖ፡ ልብ፡ ውብርሃኖሙ፡ ለረሲዓን፡ ኃጢአት፡ ዘይትቀነይ፡ ለመዝገበ፡ ልሳነ፡ ሐሰት፡ ከንቶ፡
ይዴግን፡ ወያበጽሐ፡ ውስተ፡ መሥገርተ፡ ሞት፡ ስራዌ፡ ረሲዓን፡ ይትነገድ፡ እምርሁቅ፡ እስመ፡
ኢይፈቅዱ፡ ይግበሩ፡ ጽድቀ፡ ለዕልዋን፡ ዕልወ፡ ፍኖተ፡ ይፌኑ፡ ሎሙ፡ እግዚአብሔር፡ እስመ፡ ንጹሐ፡
ወርቱዕ፡ ምግባሩ፡ ይኔይስ፡ ነቢር፡ ውስተ፡ ማዕዝንት፡ ዘኢኮነ፡ ጥፋረ፡ እምሩግ፡ ምስለ፡ ዓመ፡ ውስተ፡
ኩሉ፡ ቤት፡ ነፍሱ፡ ረሲዓን፡ ኢትትመሐር፡ ወኢበኅበ፡ ፩ሂ፡ ሰብእ፡ እንዘ፡ የኃሥር፡ ፀዋግ፡ ማእምረ፡
ይከውን፡ የዋህ፡ ወዘይጤ{(ይ)}ቅስ፡ ጠቢብ፡ ይትዌከፍ፡ አእምሮ፡ ኢየአምር፡ ጽድቀ፡ ልበ፡ ረሲዓን፡
ወየአክዮሙ፡ ለረሲዓን፡ እከይ፡ ዘይፌጽም፡ ዕዘኒሁ፡ ከመ፡ ኢይስማዕ፡ ድውያነ፡ ወውእቱሂ፡ ይጸውዕ፡
ወአልቦ፡ ዘይስምዖ፡ ሀብት፡ ዘበጽሚት፡ ይገፍዕ፡ መዓተ፡ ወዘስ፡ ይምህክ፡ ሀብተ፡ ያነሥእ፡ መዓተ፡ ጽኑዓ፡
ፍሥሐ፡ ጻድቃን፡ ገቢረ፡ ፍትሕ፡ ወጻድቅስ፡ ርኩስ፡ በኅበ፡ እኩያነ፡ ምግባር፡ ብእሲ፡ ዘይስሕት፡
እምፍኖተ፡ ጽድቅ፡ ውስተ፡ ማኅበረ፡ ረዓይት፡ የዓርፍ፡ ብእሲ፡ ፅኑስ፡ ያፈቅር፡ ፍሥሐ፡ ዘያፈቅር፡ ወይነ፡
ወቅብዕ፡ ኢይብዕል፡ ወምኑን፡ ለጻድቅ፡ ኃጥእ፡ ይኔይስ፡ ነቢር፡ ውስተ፡ ገዳም፡ እምስለ፡ ብእሲት፡

መግዕዝት፡ ወነባቢት፡ ወመዓትም{. (ት) }፡ መዝገብ፡ መፍትሔ፡ የዓርፍ፡ ውስተ፡ አፈ፡ ጠቢባን፡ አብዳንስ፡ ሰብእ፡ የኃጥእዎ፡ ዘይዴግን፡ ፍኖተ፡ ጽድቅ፡ ወሕይወት፡ ይረክብ፡ ክብረ፡ ወሕይወተ፡ ክፍል፡ ፳፮፡ ለሀገር፡ ፅንዕት፡ ቦአ፡ ጠቢብወነሰተ፡ ጽንዓ፡ በዘይትዌከሉ፡ ረሲዓን፡ ዘየዓቅብ፡ አፉሁ፡ ወልሳኖ፡ ይትመሐፀን፡ ነፍሰ፡ እምንዳቤ፡ ጉጉዕ፡ ወመግዕዝ፡ ወነባቢ፡ ብድብድ፡ ስሙ፡ ወዘይዜክር(ስ)፡ እከየ፡ ኃጥእ፡ ውእቱ፡ ፍትወ

(col. 2) ት፡ ይቀትላሁ፡ ለሐካይ፡ እስመ፡ ኢይፈቅዳ፡ እደዊሁ፡ ይግበራ፡ ምንተሂ፡ ረሲዕይፈቅድ፡ ወይፈቱ፡ ኩሎ፡ ዕለተ፡ ፍትወተ፡ እኪተ፡ ወጻድቅስ፡ ይምህር፡ ወይመጸውት፡ ኩሎ፡ አእሚሮ፡ መሥዋዕተ፡ ረሲዓን፡ ምኑን፡ በኀበ፡ እግዚአብሔር፡ እስመ፡ በእከይ፡ ያቀርብዎ፡ ሰማዕተ፡ ሐሰት፡ ይትሐጐል፡ ወብእሲስ፡ ሰማዒ፡ ዕቁበ፡ ይትናገር፡ ረሲዕ፡ ብእሲ፡ ዘእንበለ፡ ኃፍረት፡ ይትቃወሞ፡ ለገጽ፡ ወራትዕሰ፡ ውእቱ፡ ይጤይቅ፡ ፍኖቶ፡ አልቦ፡ ጥበብ፡ ወአልቦ፡ ዕዘዝ፡ ኀበ፡ ዕበድ፡ ወአልቦ፡ ምክር፡ ኀበ፡ ረሲዕ፡ ፈረሰ፡ ያስተዳልው፡ ለዕለተ፡ ፀብዕ፡ ወእምኀበ፡ እግዚአብሔር፡ ረድኤትሰ፡ ይከውን፡ ይኄይስ፡ ስም፡ ሠናይ፡ እምብዙኀ፡ ብዕል፡ ወእምብሩር፡ ወወርቅ፡ ሞገሰ፡ አዳም፡ ክፍ፡ ፳፯ባዕል፡ ወነዳይ፡ ይትራከቡ፡ ኀበረ፡ ማዕምር፡ ርእየ፡ እንዘ፡ እኩየ፡ ይትኳነን፡ ህዩል፡ ውእቱ፡ ይትጌሠጽ፡ ወአብዳንስ፡ እንዘ፡ የኃልፉ፡ ኃሥሩ፡ ትወልዳ፡ ለጥበብ፡ ፈሪሃ፡ እግዚአብሔር፡ ወለክብር፡ ወለብዕል፡ ወለሕይወት፡ አሜከላ፡ ወመሳግር፡ ውስተ፡ ፍኖው፡ ጠዋያት፡ ወዘየዓቅብሰ፡ ነፍሶ፡ ይድኅን፡ ወያመስጦን፡ አብዕልት፡ ነዳያነ፡ ይኳን፡ ወአግብርት፡ ለአጋዕዝቲሆሙ፡ ይሌቅሑ፡ ወዘይዘርእ፡ ኀበለ፡ የዓርር፡ እከየ፡ ወመቅሠፍተ፡ ምግባሪሁ፡ ይፌጽም፡ ብእሲ፡ ፍሡሐ፡ ወወሀቤ፡ ያፈቅር፡ እግዚአብሔር፡ ወከንቶ፡ ምግባሪሁ፡ ይጸልዕ፡ ዘይምህርስ፡ ነዳየ፡ ውእቱ፡ በልዓ፡ እስመ፡ ኀብስቶ፡ ወሀበ፡ ለምስኪናን፡ ወአኮ፡ ለባዕል፡ ዘይፈዲ፡ ለዘወሀበ፡ መዊእ፡ ወክብረ፡ ይረክብ፡ ዘወሀበ፡ ኀልያነ፡ ወባሕቱ፡ ነፍሶ፡ ያኣትት፡ ለዘነሥአ፡ አውፅእ፡ እምእንግልጋ፡ ቀታሌ፡ ወይትልዎ፡ ሞት፡ እስመ፡ ሶበ፡ ይነብር፡ ውስተ፡ እንግልጋ፡ ኩሎ፡ ያኀሠረስር፡ ያፈቅር፡ እግዚአብሔር፡ የውሀተ፡ ልብ፡ ኀሩያን፡ በኀቤሁ፡ ኩሎሙ፡

(col. 3) ንጹሐን፡ በከናፍሪሁ፡ ይፊኢ፡ ንጉሥ፡ አዕይንተ፡ እግዚአብሔር፡ የዓቅባ፡ አእምሮ፡ ይሜንን፡ ቃለ፡ ጥበብ፡ ኃጥእ፡ ያመከኒ፡ ሐካይ፡ ሶበ፡ ይልዕክዎ፡ ወይብል፡ ሀሎ፡ አንበሳ፡ ውስተ፡ ፍኖት፡ ወውስተ፡ መራሀብት፡ ቀትል፡ ክፍል፡ ፳፰፡ ግብ፡ ዕሙቅ፡ አፈ፡ ዓማዒ፡ ወዘተጸልዓ፡ በኀበ፡ እግዚአብሔር፡ ይወድቅ፡ ውስቱቱ፡ ቦፍኖው፡ እኩያት፡ ቅድሜሁ፡ ለብእሲ፡ ወኢያፈቅር፡ ይትገኝሥ፡ እምኔሁ፡ በተግኅሦ፡ መፍትሔ፡ እምፍኖት፡ ጸዋግ፡ ወእኪት፡ ኢያእምሮ፡ አልዓለቶ፡ ለልበ፡ ወሬዛ፡ እስመ፡ በትር፡ ወመቅሠፍት፡ ርኅቀ፡ እምኔሁ፡ ዘይትዔገሎ፡ ለነዳይ፡ ብዙኃ፡ ይፊሲ፡ ጥሪቶ፡ ወይሁብ፡ ለባዕል፡ በተፅናሱ፡ ኀበ፡ ቃለ፡ ጠቢባን፡ አቅርብ፡ እዝነከ፡ ለአጽምዎ፡ ወስማዕ፡ ቃለ፡ ዚአየ፡ ወልበከ፡ አቅም፡ ከመ፡ ሠናይ፡ ውእቱ፡ ተአምር፡ ወእመ፡ ወደይኮመ፡ ውስተ፡ ልብከ፡ ያስተፌሥሑከ፡ ኀበረ፡ በከናፍሪከ፡ ከመ፡ ይኩን፡ በኀበ፡ እግዚአብሔር፡ ተስፋከ፡ ወይኤምረከ፡ ፍኖቶ፡ ክፍል፡ ፳፱፡ ናሁ፡ ጸሐፍኩ፡ መሥልስተ፡ ወአንተኒ፡ ጸሐፎን፡ ለርእስከ፡ ለምክር፡ ወለአእምሮ፡ ውስተ፡ ራኀበ፡ ልብከ፡ እሜህረከ፡ ህልወ፡ ቃለ፡ አእም፡ ኄረ፡ ትስማዕ፡ ከመ፡ ታውሥእ፡ ቃለ፡ ጽድቅ፡ ለእለ፡ ይሴዓሉከ፡ ኢትትዓገሎ፡ ለነዳይ፡ እስመ፡ ምስኪን፡ ውእቱ፡ ወኢትመንን፡ ድውየ፡ በአናቅጽ፡ እስመ፡ እግዚአብሔር፡ ይፈትሕ፡ ኩነኔሁ፡ ወይባልሐ፡ ወይትቤቀል፡ ሎቱ፡ ኢትኩን፡ መጽመሮ፡ ለብእሲ፡ መዓትም፡ ወምስለ፡ ዓርክ፡ መግዕዝ፡ ኢትኅድር፡ ከመ፡ ኢትትመሐር፡ ፍኖቶ፡ ወትነሥእ፡ መሥገርተ፡ ለነፍስከ፡ ኢተሀብ፡ ርእስከ፡ ለሐቢት፡ በሐፈረ፡ ገጽ፡ እመ፡ አልብከ፡ ዘትፈዲ፡ ይነሥኡ፡ ክዳነከ፡ በታሕተ፡ ገቦከ፡ ኢትንሥት፡ ሥርዓተ፡ ዘለዓለም፡ ዘእንበሩ፡ አበዊከ፡ ክፍል፡ ፩፬፡ ጥዩቅ፡

(col. 1) ብእሲ፡ ወበሊህ፡ በምግባሩ፡ ለነገሥት፡ ሀለዎ፡ ይቅረብ፡ ወኢይቀውም፡ ለሰብእ፡ ፅኑሳን፡ ለእመ፡ ነበርከ፡ ትደረር፡ ውስተ፡ ማዕደ፡ መኳንንት፡ አእምሮ፡ አእምር፡ ዘአቅረቡ፡ ለከ፡ ወተመጠው፡ በእዴከ፡ ወአእምር፡ ከመ፡ ዘከማሁ፡ ወለወከ፡ ታስተዳሉ፡ ወእመሰ፡ ነዳይ፡ አንተ፡ ኢትፍቱ፡ መባልዕቲሁ፡ ዝ፡ ውእቱ፡ ኅብስተ፡ ሐሰት፡ ኢትትዓከል፡ ምስለ፡ ባዕል፡ እንዘ፡ ነዳይ፡ አንተ፡ ወበሕሊናከ፡ ረሐቅ፡ እመ፡ አውተርከ፡ ዓይነከ፡ ኅቤቡ፡ ወኢትረክቦ፡ ወእደ፡ ያስተርኢ፡ እስመ፡ ተደለወ፡ ሎቱ፡ ክንፈ፡ ንስር፡ ወይገብእ፡ ውስተ፡ ቤት፡ ዘይቀውም፡ ኢትደረር፡ ምስለ፡ ብእሲ፡ መታሒ፡ ወኢትፍቱ፡ መባልዕቲሁ፡ ከመ፡ ዘይውኅጥ፡ ሣዕሪ፡ ከማሁ፡ ይበልዕ፡ ወይሰቲ፡ ወኅቤከኒ፡ ኢታብእ፡ ወኢትብላዕ፡ ኅብስተ፡ ምስሌሁ፡ ብላዕ፡ ወስተይ፡ ይብለከ፡ ወልቡሰ፡ ኢህሎ፡ ምስሌከ፡ ይቀይዕ፡ ወያማስን፡ ነገረከ፡ ሠናየ፡ ውስተ፡ እዝነ፡ አብድ፡ አልቦ፡ ዘትነግር፡ ከመ፡ ኢይመንን፡ ነገረከ፡ ጠቢብ፡ ክ፡ ፴፩ወኢታፍልስ፡ ደወለ፡ ገራህት፡ ዘአንበሩ፡ አበዊከ፡ ወውስተ፡ ጥሪተ፡ እጓለ፡ እመሕያው፡ ኢትባእ፡ እስመ፡ ዘይባልሖም፡ እግዚአብሔር፡ አዚዝ፡ ውእቱ፡ ወይትኳንን፡ ኩነኔሆሙ፡ ምስሌከ፡ ሀብ፡ ለተግሣጽ፡ ልበከ፡ ወእዝነከ፡ አስተዳሉ፡ ለቃለ፡ አእምሮ፡ ኢትትሐየይ፡ ገሥጸ፡ ደቂቅከ፡ እስመ፡ እመ፡ ዘበጥኮም፡ በበትር፡ ኢይመውቱ፡ አንተ፡ ዝብጦም፡ በበትር፡ ወነፍሶም፡ ትባልሕ፡ እሞት፡ ወልድየ፡ እመ፡ ጠቢብ፡ ኮነ፡ ልብከ፡ ያስተፌሥሕ፡ እንቲአየ፡ ልብ፡ ወእመ፡ ነበረት፡ ቃልየ፡ በከናፍሪከ፡ ለከናፍሪ፡ ዚአየ፡ {...}፡ ርቱዓተ፡ ይከውና፡ ኢትቀናዕ፡ ልብከ፡ ላዕለ፡ ኃጥአን፡ አላ፡ በፍርሃተ፡ እግዚአብሔር፡ ሀሉ፡ በኩሉ፡ ሰዓት፡ ወእመ፡ ዓቀብኮም፡ ይከውናከ፡ ትዝ

(col. 2) ምደ፡ ወተስፋከ፡ ኢትአተት፡ ስማዕ፡ ወልድየ፡ ወጠቢብ፡ ኩን፡ ወአርትዕ፡ ሕሊና፡ ልብከ፡ ኢትኩን፡ ሰታዬ፡ ወኢትኩን፡ ተሣያጤ፡ ሥጋ፡ ሐኖት፡ ኩሉ፡ ሰታዬ፡ ወዘማዊ፡ ይነዲ፡ ወይለብስ፡ ስውጠ፡ ወአጽርቅተ፡ ወኩሉ፡ ነሞሚ፡ ስማዕ፡ ወልድየ፡ አባከ፡ ዘወለደከ፡ ወኢታስተአክያ፡ ለእምከ፡ ለእመ፡ ረሰዓት፡ ሠናየ፡ ያልህቅ፡ አብ፡ ጸድቅ፡ ወበወልድ፡ ጠቢብ፡ ይትፌሣሕ፡ {...}፡ ነፍሱ፡ ይትፌሥሖ፡ አቡከ፡ ወእምከ፡ ብከ፡ ወትትኃሠይ፡ እንተ፡ ወለደተከ፡ ሀበኒ፡ ወልድየ፡ ልብከ፡ ወአዕይንቲከ፡ ፍናወ፡ ዚአየ፡ ይዕቀባ፡ ፴፪፡ ፅዕድ፡ ስቁር፡ ዘማዊት፡ ወዓዘቅት፡ ጸባብ፡ ነኪርት፡ ዘሐረ፡ ኅቤሃ፡ ፍጡነ፡ ይትሐጐል፡ ወኩሉ፡ ፀዋግ፡ የኃልቅ፡ ወልድየ፡ ላመኑ፡ ወይሌ፡ ወለመኑ፡ ሀከክ፡ ወለመኑ፡ ባዕስ፡ ወለመኑ፡ ኃዕዝ፡ ወለመኑ፡ ኩነኔ፡ ወለመኑ፡ ቅጥቃጤ፡ በከንቱ፡ ወለመኑ፡ ስጉዳት፡ አዕይንቲሁ፡ አኮኑ፡ ለእለ፡ ይጐነድዩ፡ ውስተ፡ ስታየ፡ ወይን፡ አኮኑ፡ ለእለ፡ ይተልው፡ አሠረ፡ ወይን፡ ወእደ፡ ይከውን፡ ሰንቢል፡ ኢትስክሩ፡ ወይነ፡ አላ፡ ተናገሩ፡ ምስለ፡ ጸድቃን፡ ወተናገሩ፡ በነሶሳው፡ እመ፡ ውስተ፡ ፍያላት፡ ወጽዋዓት፡ ወሀብከ፡ ዓይነከ፡ ድኅረ፡ ተሐውር፡ ዕ{(ራ)}ቀከ፡ ከመ፡ ናሕስ፡ ወደኃሪታ፡ ከመ፡ ንስከተ፡ አርዌ፡ ምድር፡ ትሰፍሕ፡ ወከመ፡ ዘእምቃግስት፡ ይሰብቦ፡ ሕምዙ፡ አዕይንቲከ፡ ይኔጽራ፡ ነኪራተ፡ ወይእተ፡ ጊዜ፡ ይነብብ፡ አፉከ፡ ጠዋየ፡ ወትሰክብ፡ ከመ፡ ዘውስተ፡ ልብ፡ ባሕር፡ ወከመ፡ ዘየሐድፍ፡ ውስተ፡ ብዙኅ፡ ሞገድ፡ ወትብል፡ ዘበጡኒ፡ ወኢሐመምከ፡ ወተሣለቁ፡ ላዕሌየ፡ ወአንሰ፡ ኢያእመርኩ፡ ማዕዘ፡ ነግህ፡ ይከውን፡ ከመ፡ እምጸእ፡ ወእኅሥሥ፡ ምስለ፡ እለ፡ አሐውር፡ ክፍል፡ ፴፫፡ ወልድየ፡ ኢትትቀሐው፡ እኩያነ፡ ሰብአ፡ ወኢትፍቱ፡ ሀልዎ፡ ም

(col. 3) ስሌሆሙ፡ እስመ፡ ሐሰተ፡ ትትሜኃር፡ ልቦሙ፡ ወሕመሜ፡ ይትናገር፡ አፉሆሙ፡ ምስለ፡ ጥብብ፡ ይትሐነጽ፡ ቤት፡ ወምስለ፡ አእምሮ፡ ወምስለ፡ ጠይቆ፡ ይመልዕ፡ መዛግብት፡ ኩሉ፡ ክብር፡ ወብዕል፡ ሠናይ፡ ይኔይስ፡ ጠቢብ፡ እምጽኑዕ፡ ወብእሲ፡ ዘቦ፡ አእምሮ፡ እምወፍር፡ ዓቢይ፡ በኅዳፌ፡ ይከውን፡ ፀብዕ፡ ወረድኤት፡ ምስለ፡ ልብ፡ መካሪት፡ ጥብብ፡ ወአእምሮ፡ ሠናይ፡ ውስተ፡ አንቀጸ፡ ጠብብት፡ ይትረክብ፡ ጠብብ{..(ት፡ ኢ)}ይትገኃሡ፡ እምቃለ፡ እግዚአብሔር፡ አላ፡ ይሔልው፡ በማኅበር፡ ለአብዳን፡ ይደደቆሙ፡ ሞት፡ ይመውት፡ አብድ፡ በኃጣውእ፡ ኩሉ፡ ለብእሲ፡ ቀታሊ፡ ያጤልቆበዕለት፡ እኪት፡ ወበዕለተ፡ ምንዳቤ፡ እስከ፡ የኃልቅ፡ አድኅን፡ እለ፡ ይሰሐቡ፡ ውስተ፡ ሞት፡ ወተሣይጦ፡ ዘይትቀተል፡ ኢትምሀክ፡ ወእመሰ፡ ትቤ፡ ኢየአምሮ፡ ለዝ፡ አእምሮ፡ ከመ፡ እግዚአብሔር፡ የአምር፡ ልብ፡ ኩሉ፡ ወዘገብረ፡ እስትንፋሰ፡ ለኩሉ፡ ውእቱ፡ የአምር፡ ኩሉ፡ ወይፈድዮ፡ ለኩሉ፡ በከመ፡ ምግባሩ፡ ክፍል፡ ፴፫፡

ብላዕ፡ መዓረ፡ ወልድየ፡ እስመ፡ ሠናይ፡ ጸቃውዕ፡ ከመ፡ ያመዓርዕር፡ ጉርዔከ። ከማሁ፡ ጥበብ፡ ወአእምሮ፡
ለእመረከብከ፡ ወይነ፡ ሠናየ፡ ይከውን፡ ሞትከ፡ ወተስፋ፡ ኢትጋድገከ፡ ወኢታብዕ፡ ረሲዓነ፡ ውስተ፡ መካነ፡
ጸድቃን፡ ወኢትስሐት፡ በጽጋበ፡ ከርሥከ። ሰብ{.፡(ዓ)}፡ ይወድቅ፡ ጸድቅ፡ ወይትነሣእ፡ ወረሲዓንሰ፡
ይደውዩ፡ በእኩይ፡ አመ፡ ወድቀ፡ ጸላኢከ፡ ኢትትፈሣሕ፡ ቦቱ፡ ወበዕቅፍቱ፡ ኢትትዓበይ፡ እስመ፡ ይሬኢ፡
እግዚአብሔር፡ ወኢይኤድሞ፡ ወይመይጥ፡ መዓቶ፡ እምኔሁ፡ ኢትትፈሣሕ፡ በገበርተ፡ እከይ፡ ወኢትቅናዕ፡
ላዕለ፡ እኩያን፡ ኢይከውን፡ ዘመን፡ ለእኩያን፡ ብርሃነ፡ ረሲዓን፡ ይጠፍዕ። ክፍል፡ ፴፬፡ ፍርሆ፡
ለእግዚአብሔር፡ ወልድየ፡ ወለንጉሥ፡ ወለ፩እምኔ

f. 88v

(col. 1) ሆሙ፡ ኢትዕበይ፡ እስመ፡ ግብተ፡ ይትቤቀልዎሙ፡ ለረሲዓን። ወኮነኔ፡ ክልኤሆሙ፡ መኑ፡
የአምር፡ ቃለ፡ ዘየዓቅብወልድ፡ ርጉቅ፡ ውእቱ፡ እምተሐጉሎ፡ ወዘሰ፡ ይትዌከፍ፡ ተወክፎ፡ ሎቱ፡ ምንትኒ፡
ሐሰት፡ እምልሳነ፡ ንጉሥ፡ ኢይትበህል፡ ወአልቦ፡ ሐሰት፡ እምልሳነ፡ ዘይወፅእ፡ መጥባሕት፡ ቃለ፡ ንጉሥ፡
አኮ፡ እንተ፡ አባል፡ ለዘተውህበ፡ ትቀጠቅጦ፡ ወእመሰ፡ ተስሕለት፡ መዓቱ፡ ምስለ፡ ስረዊሁ፡ ሰብአ፡
ታሐልቅ፡ ወአዕፅዎተ፡ ሰብአ፡ ታሐቂ፡ ወታውዒ፡ ከመ፡ ነበልባል፡ እስከ፡ አመ፡ ይትበላዕ፡ እምዕጉለ፡
አንስርት። ክፍ፡ ፴፬፡ ዘዚአየ፡ ነገረ፡ ወልድየ፡ ፍራህ፡ ወተወከፎ፡ ወነስሕ፡ ዘንተ፡ እቤ፡ ለእለ፡ የአምኑ፡
በእግዚአብሔር፡ ወፈጸምኩ። እስመ፡ አብድ፡ አነ፡ እምኩሉ፡ ሰብአ፡ ወጥበበ፡ ሰብአ፡ ኢህሎ፡ ላዕሌየ፡
እግዚአብሔር፡ መሀረኒ፡ ጥበቡ፡ ወአእምሮ፡ ቅዱሳን፡ አእመርኩ፡ መኑ፡ ዘዓርገ፡ ሰማየ፡ ወወረደ፡ ወመኑ፡
አስተጋብአ፡ ነፋሳተ፡ ውስተ፡ ሕፅኑ፤ ወመኑአቈረ፡ ማያተ፡ በልብሱ፡ ወመኑ፡ አኀዘ፡ ኩሎ፡ አጽናፈ፡
ምድር፡ መኑ፡ ስሙ፡ ወመኑ፡ ስመ፡ ወልዱ፡ ከመ፡ ታእምር፡ ኩሎ፡ ነገረ፡ እግዚአብሔር፡ ርሱን፡
ወይትቃወም፡ ሎሙ፡ ለእለ፡ ይፈርህዎ፡ ወኢትወስከ፡ ውስተ፡ ነገሩ፡ ከመ፡ ኢይዝልፍከ፡ ወሐሳዌ፡
ኢትኩን። ክፍ፡ ፴፭፡ ክልኤተ፡ ነገረ፡ እስኢል፡ እምኀቤከ፡ እግዚአየ፡ ወኢትክልዓኒ፡ ጸጋከ፡ ዘእንበለ፡
እመትከንቶ፡ ነገረ፡ ወሐሰተ፡ አርሳቅ፡ እምኔየ፡ ብዕለ፡ ወንዴተ፡ ኢተሀበኒ፡ ሥራዕ፡ ሊተ፡ ዘይትፈቀድ፡
ወዘየዓክለኒ፡ ከመ፡ አእኪልየ፡ ኢይኩን፡ ሐሳዌ፡ ወኢይበልመኑ፡ እግዚ{.....(አብሔር፡ ወእመ)}፡ አኮ፡
ነድይየ፡ ኢይሥርቅ፡ ወኢይምህል፡ በስመ፡ እግዚአብሔር፡ በሐሰት። ክፍል፡ ፴፭፡ ወኢታግብዕ፡ ገብረ፡
ውስተ፡ እደ፡ እግዚኡ፡ ከመ፡ እመቦ፡ እመ፡ ረገመከ፡ ኢትማስን። ትው

(col. 2) ልድ፡ እኩይ፡ ይረግም፡ አባሁ፡ ወእሞሂ፡ ይባርክ፡ ትውልድ፡ እኩይ፡ ጽድቀ፡ ርእሱ፡ ይፈትሕ፡
ወፀዓቶ፡ ኢይጤይቅ፡ ትውልድ፡ እኩይ፡ አዕይተ፡ ዕቡየ፡ ቦቱ፡ ወቀራንብቲሁ፡ ያሌዕል፡ ትውልድ፡ እኩይ፡
ስነነ፡ መጥባሕት፡ ቦቱ፡ ወጥረሲሁ፡ መክርከር፡ ከመ፡ ያሕልቅ፡ ነዳያነ፡ እምድር፡ ወምስኪናኒሆሙ፡
እምሰብእ። ክፍል፡ ፴፮፡ ዘንተ፡ አየድዓክሙ፡ ለጠቢባን፡ ከመ፡ ታእምሩ፡ ሐፊረ፡ ገጽ፡ በፍትሕ፡ አኮ፡
ሠናይ፡ ዘይብሎ፡ ለረሲዕ፡ ጸድቅ፡ ውእቱ፡ ርጉመ፡ ለሕዝብ፡ ይከው{..(ን፡ ወ)}ጽሉዓ፡ ለአሕዛብ፡ ወእለሰ፡
ይዘልፉያሄንዩ፡ አስተርእዮ፡ ወለሊሆሙ፡ ትመጽእ፡ በረከት። ሠናይት፡ ከፍፍር፡ ያወሥአ፡ እለ፡ ያፈቅራ፡
ነገረ፡ ጥበብ፡ አስተዳሉ፡ ለመንገድከ፡ ምግባረከ፡ ወተደለው፡ ውስተ፡ ወፍር፡ ወትሉ፡ ድኅሬየ፡ ወታነሥእ፡
ቤተከ፡ ወኢትኩን፡ ስምዓ፡ በሐሰት፡ ላዕለ፡ ሰብአ፡ ብሔርከ። ወኢትጌጊ፡ በከፍፍሪከ፡ ወኢትበል፡ በከመ፡
ረሰየኒ፡ እሬስዮ፡ ወእፈድዮ፡ በከመ፡ ገፍዓኒ። ክፍል፡ ፴፰፡ ውስተ፡ ገራህተ፡ ብእሲ፡ አብድ፡ ኃለፍኩ፡
ወውስተ፡ ዐፀደ፡ ብእሲ፡ ነዳየ፡ አእምሮ፡ ሖርኩ፡ ናሁ፡ በቄለ፡ ላዕሌሃ፡ ሦክ፡ ወየዓብር፡ ሣዕሩ፡ ፍጹመ፡
ወይከውን፡ በድወ፡ ወጸቄነ፡ እበኒሁ፡ ይንህል፡ ድኅረ፡ አነ፡ ኀሳሕኩ፡ ወነጸርኩ፡ እኅረይ፡ ተግሣጸ። ህቀ፡
ድቃስ፡ ወህቀ፡ ንዋም፡ ወህቀ፡ አስተጋብአ፡ እድ፡ ዲበ፡ እንግድዓ። ወእመ፡ ዘንተ፡ ትገብር፡ ትመጽእ፡
እንዘ፡ ትትቁደም፡ ንዴት፡ ወተፅናስ፡ ከመ፡ ጌር፡ ረዋሂ፡ ክፍል፡ ፴፱፡ ለአለቅት፡ ሠላስ፡ አዋልድ። ላቲ፡
ተፋቅሮ፡ እለ፡ ይትፋቀራ፡ ወሠለስቲሆሙ፡ እለ፡ ኢይጸግባ፡ ወራብዕቶን፡ ስዕነት፡ ብሂለ፡ ኮንየ፡ ሲኦል፡

ወፍቅረ: ብእሲት: ወገሃነመ: ምድር: እንተ: ኢትመልዕ: ማየ: ወማይ: ወእሳት: ኢይብሉ: ኮንየ: :
ክል: ሟ: ዓይን: ዘይስሕቅ: አ

(col. 3) በ: ወያስተዓኪ: ርስዓ: እመ: ይመልሕዎን: ቋዓት: እምግቦን: ወይበልዕዎን: ዕጉለ: አንስርት።
ክፍ: ሟ፩: ሠላስቱ: እሙንቱ: ዘኢይክሉ: አእምሮ: ወራብዎሙስ: ኢይጤየቅ: አሠረ: ንስር: ዘይሠርር:
ወፍኖተ: አርዌ: ምድር: ዲበ: ኩኩሕ: ወአሠረ: ሐመር: ዲበ: ሞገድ። እንዘ: ተሐውር: ወፍኖወ:
ብእሲ: በውርዙቱ። ወከመዝ: ውእቱ: ፍኖታ: ለብእሲት: እንተ: ማኃዝ: እንተ: ገቢራ: ትትሐፀብ:
ወአልቦአ: እንከስ: ዘገብረት: እኩየ። ክፍል: ሣ፪: በእንተ: ሠለስቱ: ነገር: ታድለቀልቅ: ምድር: እመ:
ገብር: ነግሠ: ወአብድ: {...(እመ: ፀግበ)}: እክለ። ዓመት: እመ: አውፅአት: እግዝእታ: ወጽዕልት:
ብእሲት: ለእመ: አድምዓት: ብእሴ: ጌረ። ክፍል: ሟ፫: ወአርባዕቱ: ሕፁዓን: ውስተ: ምድር: ወእሉ:
እሙንቱ: ጠቢባነ: ጠብብት: ሰኳዕት: እለ: አልቦሙ: ኃይል: ወያስተዓልዉ: በማዕረር: ሲሳየሙ:
ወግሔያተ: ሕዝብ: ዘኢኮኑ: ጽኑዓነ: እለ: ረሰዩ: ውስተ: ኩኩሕ: አብያቲሆሙ: ዘእንበለ: መንግሥት:
ውእቱ: አንበጣ: ወየሐውር: በ፩ትእዛዝ: ኅቡረ: ወለጽቂት: ዘበእደዊሁ: የሐውር: እንዘ: ፅቡስ: ውእቱ:
የሐድር: ውስተ: አብያተ: ነገሥት። ክፍል: ሟ፬: ሠለስቱ: እሙንቱ: ዘአዳመ: የሐውሩ: ወራብዕ:
ዘሠናይ: ፍኖዊሁ: ዕጓለ: አንበሰ: ዘይጸንዕ: እምእንስሳ: ኢይትመየጥ: ወኢይደነግፅ: እምእንስሳ። ደርሆ:
ተባዕት: ዘየሐውር: ውስተ: አንስት: እንዘ: ያስተነፍስ: ወበሐኩ: እንዘ: ይሜብል: ላዕለ: መርዓት:
ወንጉሥ: እንዘ: ይጌሥጽ: አሕዛቡ: ክ: ሟ፭: ለእመ: መጠውከ: ርእሰከ: ለተፈርንሶ: ወሰፋሕከ: እዴከ:
ለጋዕዝ: ተኃሥር። ኅልብ: ኅሊበ: ወይከውነከ: ለስደ: ወለእመ: አጸርከ: አንፈከ: ይወፅእ: ደም:
ወለእመ: ሰሐብከ: ነገረ: ይወ

f. 89r

(col. 1) ፅእ: ጋዕዝ: ወኩነኔ። ክ: ሟ፮: ቃለ: ዚአየ: ተየድዓ: በኅበ: እግዚአብሔር: ንጉሥ: ፌማ:
ውእቱ: ዘመዐረቶ: እሙ: አ: ወልድየ: ተዓቀብ: ምንት: ቃለ: እግዚአብሔር: በኩርየ: ለከ:
እብለከ። ወልድየ: ሚ: ወልደ: ከርሥየ: ወሚወልደ: ጸሎተ: ዚአየ: ኢትግበር: ዘኢይደሉ: ለንጉሥ:
ወለእግዚአብሔር: ወኢተሀባ: ለብእሲት: ብዕለ: ዚአክ: ወልበከ: ከመ: ኢት{...(ነሥሕ)}: ድኅረ።
ወምስለ: ምክር: ኩሎ: ግበር: ወምስለ: ምክር: ወይነ: ስተይ: መኳንንት: መዓትማን: እሙንቱ: ወይነ:
ባሕቱ: ኢይስተዩ: ከመ: በስታይ: ኢይርሥዕዋ: ለጥብብ። ወኢይክሉ: አርትዖ: ፍትሕ: ለድኩማን:
ሀብዎሙ: ስካረ: ለኅዙናን: ወወይነ: ይስተዩ: ትኩዛን። ከመ: ይርሥዕዋ: ለኃዘን: ወሕማመኒ: ኢያዝክሩ:
{.....(እንከ: ከሥት)}። አፉከ: በቃለ: እግዚአብሔር: ወኩንን: ሕያዋያነ: {...}: ክሥት: አፉከ:
ወኩንን: ጽድቀ: ፍታሕ: ለነዳይ: ወለሕሙም: ። ክፍል: ፩። ተግሣጸ: ሰሎሞን: እለ: እንበለ: ኑፋቄ:
ዘጸሐፉ: አዕርክቲሁ: ለሕዝቅያስ: ንጉሠ: ይሁዳ: ክብረ: እግዚአብሔር: የኃብእ: ነውረ: ወስብሐተ:
ንጉሥ: ያክብር: ገብረ: ሰማይ: ልዑል: ወም(ድር)ዕሙቅ: ወልበ: ንጉሥ: ኢይትአመር: አጽርየ:
ለብሩር: ዘኢኮነ: ፍቱነ: ወይነጽሕ: ለከ: ንጽሐ: ፍጹመ: {...(ቅትል: ረሲዓነ: እ)}ምቅድመ: ገጸ:
ንጉሥ: ወይረትዕ: በጽድቅ: መንበሩ: ኢትትዓበይ: በቅድመ: ንጉሥ: ወኢትጸደቅ: በቅድመ:
እግዚአብሔር: ወውስተ: መካነ: መኳንንተ: ኢትቁም። ይጌይስ: ይበሉከ: ዕርግ: ኅቤነ: እምትኅሠር:
በቅድመ: መኩንን: ዘርእያ: አዕይንቲከ: ንግር: ወኢትደቅውስተ: ጋዕዝ: ፍጡነ: ቅስተ: ተዋቀስ: ምስለ:
ቤጽከ: ወምሥጢሮሂ: ኢትከ

(col. 2) ሥት: ከመ: ኢትነሥሕ: በደኃሪትከ። ሶበ: ይግዕዘከ: ዓርክከ: ግባእ: ድኅሬከ: ወኢትትሐየይ:
ከመ: ኢይሒስከ: ዓርክከ: ወጋዕዝከ: ወጽልዕከኒ: ኢይርኅቅ: ወይከውነከ: መጠነ: ሞተ: ጸጋ: ወተአኅ:
ያግዕዝ። አላ: ተዓቀብ: በርእስከ: ከመ: ኢትኩን: ዝንጉገ: ተዓቀብ: በፍኖዊከ: በስነ: ምግባር: ኮለ:
ወርቅ: ውስተ: ድደ: ብሩር: ስንጸት: ከማሁ: ብሂለ: ቃል: በበገጹ: ወውስተ: ውፅዕ: ወርቅ: ዕንቂ:

ሰርድዮን፡ ዘብዙኅ፡ ሢጡ፡ ውዱድ፡ ከማሁ፡ ቃለ፡ ጥበብ፡ ውስተ፡ እዝን፡ ዘይሰምዕ፡ ሠናይ፡ ውእቱ፡
 ከመ፡ ፀዓተ፡ አስሐትያ፡ በማዕረር፡ ወመርቄ፡ ይደሉ፡ ከማሁ፡ ሐዋርያ፡ ምእመን፡ ለእለ፡ ፈነውዎ። እስመ፡
 ለነፍስ፡ እለ፡ ይጸመድዎ፡ ይበቅሑ፡ ከመ፡ ደመናት፡ ወነፋሳት፡ እለ፡ አልበሙ፡ ዝናም፡ ወዝናማት፡
 እሙራን፡ በመፃዕለ፡ ማዕረር፡ ኢይበቅሑ፡ ከማሁ፡ ኩሎሙ፡ እለ፡ ይትሜክሉ፡ በሀብት፡ ሕስው፡
 በትዕግሥት፡ ስነ፡ ሕይወት፡ ትነግሥ፡ ልሳን፡ ድክምት፡ ትሰብር፡ አዕፅዎተ። ክፍ፡ ፪፡ ወልድየ፡ መዓረ፡
 እምከመ፡ ረከብከ፡ ወበላዕከ፡ ብላዕ፡ በዓቅም፡ ከመ፡ ኢትጽገብ፡ ወኢትቂዕ፡ ጉንዱየ፡ አብጽሕ፡ እገሪከ፡
 ኀበ፡ ዓርክከ፡ ከመ፡ ኢይጽገብከ፡ ወኢይጽላዕከ፡ በትር፡ ወመጥባሕት፡ ወንድፈት፡ ማኅዘን፡ ለልብ፡ ከማሁ፡
 ብእሲ፡ ዘይሰምዕ፡ ስምዓ፡ ሐሰት፡ ላዕለ፡ ዐርኩ፡ ፍኖት፡ እኩይ፡ ወእግረ፡ ኃጥእ፡ ይትሐጎል፡ በዕለት፡
 እኪት፡ ከመ፡ ብሐእ፡ ኢይደልዎ፡ ለቅህል፡ ከማሁ፡ ነውር፡ ዘይወርድ፡ ዲበ፡ ሥጋ፡ ማኅዘን፡ ለልብ፡
 ከመ፡ ቅንቅኤ፡ ለልብስ፡ ወነቀዝ፡ ለዕፅ፡ ከማሁ፡ ኀዘን፡ ለብእሲ፡ ታማስን፡ ልቦ፡ እመ፡ ርኀበ፡ ጸላኢከ፡
 አብልዎ፡ ወእመ፡ ጸምዓ፡ አስትዮ፡ ዘንተ፡ ለእመ፡ ገበርከ፡ አፍሐመ፡ እሳት፡ ታስተጋብእ፡ ዲበ፡ ርእሱ።
 ወእግዚአብሔር፡

(col. 3) የዓሥየከ፡ ሠናይተ፡ ነፋስ፡ ሰሜናዊ፡ ያነሥእ፡ ደመናተ፡ ወገጽ፡ ዘኢየሩፍር፡ ልሳን፡ ያስገዝዝ፡
 ይኒይስ፡ ኃዲር፡ ውስተ፡ ማዕዘንተ፡ ናሕስ፡ ንሱት፡ እምስለ፡ ብእሲት፡ ጸዓሊት፡ ውስተ፡ ቤት፡ ርሱይ።
 ከመ፡ ማይ፡ ቁሪር፡ ለነፍስ፡ ፅምዕት፡ አዳም፡ ከማሁ፡ ዜና፡ ሠናይ፡ እምድር፡ ርሐቅ፡ ከመ፡ ዘይፌጽም፡
 ዓዘቃተ፡ ወያማስን፡ ሙዓኦ፡ ማይ፡ ከማሁ፡ አኮ፡ ሠናይ፡ ይደቅ፡ ጻድቅ፡ በቅድመ፡ ረሲዓን፡ በሊዓ፡
 መዓር፡ ብዙኅ፡ አኮ፡ ሠናይ፡ ወአክብር፡ ርቱዕ፡ ቃለ፡ ስቡሐ፡ ወሐቲተ፡ ክብረ፡ ክቡር። ክፍል፡ ፫፡ ከመ፡
 ሀገር፡ እንተ፡ ንህለ፡ ጥቅማ፡ ወአልባ፡ ጥቅም፡ ከማሁ፡ ብእሲ፡ ዘእንበለ፡ ምክር፡ ከመ፡ ጠል፡ በማዕረር፡
 ወዝናም፡ በሐጋይ፡ ከማሁ፡ ለአብድ፡ አልቦ፡ ምክር፡ ከመ፡ አዕዋፍ፡ ዘይሠርራ፡ ወሠ{..(ራር)}ያተ፡ ከማሁ፡
 መርገም፡ ዘበከንቱ። ኢይበጽሕ፡ ኀበ፡ መኑሂ፡ ከመ፡ ሠውጥ፡ ለፈረስ፡ ወቅትራት፡ ለአድግ፡ ከማሁ፡
 በትር፡ ለሕዝብ፡ ኃጥእ፡ ወልድየ፡ ኢታውሥእ፡ ለአብድ፡ በከመ፡ ዕበደ፡ ዚአሁ፡ ከመ፡ ኢትኩን፡ ከማሁ፡
 ተሠጠዎ፡ ለአብድ፡ በከመ፡ ዕበዱ፡ ከመ፡ ኢይምሰሎ፡ ጠቢብ፡ ለርእሱ፡ በእግረ፡ ዚአሁ፡ ይገብር፡ ኃሣረ፡
 ዘፈነው፡ መልእክተ፡ ምስለ፡ አብድ፡ ካልዕ፡ ሐዊረ፡ ቅዩጽ፡ ሐንካስ፡ ወአበሳ፡ እምአፈ፡ አብዳን። ዘይወዲ፡
 እብነ፡ ዲበ፡ ሞጽፍ፡ ከማሁ፡ ይመስል፡ ዘይሁብ፡ ለአብድ፡ ክብረ፡ አስዋክ፡ ይበቅሉ፡ ውስተ፡ እደ፡
 ሰካሪ፡ ወተቀንዮ፡ ውስተ፡ እደ፡ አብዳን። ብዙኃ፡ ይትሀወክ፡ ኩሉ፡ ሥጋ፡ አብድ፡ እስመ፡ ትትላወስ፡
 ሕሊናሆሙ፡ ከመ፡ ከልብ፡ ዘይገብእ፡ ዲበ፡ ቂያዑ፡ ጽሉዓ፡ ይከውን፡ ከማሁ፡ አብድ፡ በእከየ፡ ዚአሁ፡
 ዘይትመየጥ፡ ውስተ፡ ኃጢአቱ። ክፍል፡ ፬፡ ቦ፡ ኃፍረት፡ እንተ፡ ታመጽእ፡ ኃጢአተ፡ ወቦ፡ ኃፍ

f. 89v

(col. 1) ረት፡ ለክብር፡ ወለስብሐት፡ ርኢኩ፡ ብእሴ፡ ዘይብል፡ ርእሶ፡ ጠቢብ፡ ተስፋረከበ፡ አብድ፡
 ፈድፋድ፡ እምኒሁ፡ ይብል፡ አብድ፡ ሶበ፡ ይልዕክዎ፡ አንበሳ፡ ሀሎ፡ ውስተ፡ ፍኖት፡ ወውስተ፡ መራህብት፡
 ቀትል፡ ከመ፡ ማዕደ፡ እንተ፡ ተዓውድ፡ ውስተ፡ ድርኩኩታ። ከማሁ፡ ሀካይ፡ ውስተ፡ ምስካቢሁ፡ ኃብአ፡
 ሀካይ፡ እዴሁ፡ ውስተ፡ ሕፅኑ፡ ወየሐምም፡ አቅርቦ፡ እዴሁ፡ ውስተ፡ አፉሁ፡ ጠቢብ፡ ያስተርኢ፡ ለርእሱ፡
 ሀከየ፡ ወእምዘ፡ ጽጉብ፡ ይወስድ፡ ሲሳየ፡ ከመ፡ ዘይእኀዝ፡ ዘነበ፡ ከልብ፡ ከማሁ፡ ዘይቀውም፡ ለነቢበ፡
 ባዕድ፡ ከመ፡ እለ፡ ይትፌወሱ፡ ያወፅኡ፡ ቃለ፡ ሰብእ፡ ወዘተቀበሎ፡ ለነገር፡ ይቀድም፡ ወዲቀ፡ ከማሁ፡
 ኩሎሙ፡ እለ፡ የሀብሉ፡ አዕርክቲሆሙ፡ ወእምከመ፡ አእመርዎሙ፡ ይብሉ፡ ከመ፡ በብዓው፡ ገበርነ፡
 በኃጢአ፡ ዕፀው፡ ይጠፍእ፡ እሳት፡ ወኀበ፡ ኢሀሎ፡ መዓትም፡ የኃሥእ፡ ጋዕዝ፡ መጥብስ፡ ለአፍሐም፤
 ወዕፀው፡ ለእሳት፡ ብእሲ፡ ፀዓሊ፡ ለጋዕዝ፡ ወለባዕስ፡ ነገረ፡ መንጐራጐራን፡ እለ፡ ይዘብጡ፡ ውስተ፡
 መዛግብተ፡ ምሕረት፡ ብሩር፡ ዘይትወሀብ፡ ምስለ፡ ኀብል፡ ከመ፡ ገልዕ፡ ውእቱ፡ ከመ፡ ብሩር፡ ተምያን፡
 ዘቀፈልዎ፡ ላዕለ፡ ንዋየ፡ ለብሐ፡ ከናፍር፡ ከማሁ፡ ልሙጻት፡ ወልብ፡ እኩይ፡ ይከድና፡ ልቦ፡ ኀዘንተ፡
 በከናፍሪሁ፡ ዘልፈ፡ ይበኪ፡ ጸላኢ፡ ወበልቡሰ፡ ይገብር፡ ኀብለ። ክፍል፡ ፫፡ እመ፡ አስተብፅካከ፡ ጸላኢከ፡

በዓቢይ፡ ቃል፡ ኢትእመኖ፡ እስመ፡ ሰብኡ፡ እከያት፡ ሀሎ፡ ውስተ፡ ልቡ፡ ዘየኃብእ፡ ጽልዓ፡ ያስተጋብእ፡ ጎብለ፡ ይከሥት፡ አበሳሁ፡ ማዕምር፡ በማኅበር፡ ዘይከሪ፡ ግበ፡ ለቢጹ፡ ይወድቅ፡ ውስቴቱ፡ ወዘያንከራረኸር፡ እብነ፡ ላዕሌሁ፡ ያንከራረኸር፡ ልሳን፡ ሐሳዊት፡ ትጸልዕ፡ ጽድቀ፡ ወአፍ፡ ዘኢያረምም፡ ይ

(col. 2) ገብር፡ ሐከከ፡ ኢትትዓበይ፡ ዘለጌሠምእስመ፡ ኢተአምር፡ ዘትወልድ፡ ጽባሕ፡ ይወድስከ፡ ነኪር፡ ወ{.....(አኮ፡ አፈ፡ ዚአከ፡ ይወድስከ፡ ባዕድ፡ ወኢከናፍረ፡ ዚአከ፡ ክቡድ፡ እብን፡ ወጽንጉፍ)}፡ ያረ፡ ጥፃ፡ ወመዓቱ፡ ለአብድ፡ ይከብድ፡ እምክልኤሆሙ፡ ወአልቦ፡ ምሕረት፡ ለቅጡዕ፡ ወለበሊሐ፡ መዓት፡ ወአልቦ፡ ዘይትዔረዮ፡ ለቅንዓት፡ ይኔይስ፡ ዘለፋ፡ ክሡት፡ እምኅቡእ፡ ፍቅር፡ ይኔይስ፡ ፍቅዓት፡ ዘዓርክ፡ እምሠናይ፡ ስዕመተ፡ ጸላኢ፡ ነፍስ፡ ጽግብት፡ ጸቃውዓ፡ መዓር፡ ትሜንን፡ ወለነፍስስ፡ ርኅብት፡ መሪርኒ፡ ጥዑመ፡ ያስተርእያ፡ ከመ፡ ያፍ፡ እንተ፡ ትሠርር፡ እማኅደራ፡ ከማሁ፡ ብእሲ፡ ይትቀነይ፡ ሶበ፡ ይነግድ፡ እምብሔሩ፡ በዕፍረት፡ ወዕጣን፡ ወወይን፡ ያስተሔውዝ፡ ልብ፡ ከማሁ፡ ዘይጥዕም፡ ለነፍሱ፡ ምክረ፡ ዓርኩ፡ ወትትከዓው፡ በድቀተ፡ ነፍስ፡ ዓርክከ፡ ወዓርክ፡ አቡከ፡ ኢትኅድግ፡ ወቤተ፡ እኩከሂ፡ ኢትባእ፡ በምንዳቤ፡ ዘእንበለ፡ ከመ፡ ትንግሮ፡ ቅድመ፡ ይኔይስ፡ ዓርክ፡ ቅሩብ፡ እምአኃው፡ ዘርጉቀ፡ የኃድር፡ ወቢበ፡ ኩንወልድየ፡ ከመ፡ ይትፈሥሐኒ፡ ልብየ፡ አርኅቅ፡ እምኔከ፡ ቃለ፡ ዝንጓጌ፡ ማዕምር፡ እኩያት፡ መጽአሁ፡ ወተኃብአ፡ ወአብዳንስ፡ ተቃዊሞሙ፡ ሐጉለ፡ ተፈድዩ፡ አሰስል፡ ልብስ፡ እስመ፡ ኃለፈ፡ ጸላኢ፡ ዘባዕድ፡ ያማስን፡ ዘይባርክ፡ ዓርኮ፡ በጽባሕ፡ በዓቢይ፡ ቃል፡ እምዘ፡ ይረግም፡ አልቦ፡ ዘኅደገ፡ ዓሕፃሕ፡ ያወፅአ፡ ለብእሲ፡ እምቤቱ፡ በመዋዕለ፡ ክረምት፡ ከማሁ፡ ብእሲት፡ {....}{.....}፡ ጸዓሊት፡ እምቤት፡ ርሱይ፡ ታወፅአ፡ ለምታ፡ ደቡባዊ፡ ነፍስ፡ ጽኑዕ፡ ወበስሙስ፡ ዘየማን፡ ይሰመይ፡ ሐዲን፡ ሐዲን፡ ያበልህ፡ ወብእሲ፡ ያበልህ፡ ገጸ፡ ካልዑ፡ ዘተከለ፡ በለሰ፡ ይበልዕ፡ ፍሬሃ፡ ወዘየዓቅብ፡ እግዚኡ፡ ይከብር፡ ከመ፡ ኢይትማስል፡ ገጽ፡ ገጽ፡ ከማሁ፡ ልብ፡ ብ

(col. 3) እሲ፡ ሲኦል፡ ወማኅጉሊ፡ ኢይጸግቡ፡ ከማሁ፡ አዕይንተ፡ ሰብእኒ፡ ኢያጸግባ፡ ርኩስ፡ በኅበ፡ እግዚአብሔር፡ ምዑክ፡ ዓይን፡ ወእለ፡ ዘእንበለ፡ ትምህርት፡ ኢይእኅዙ፡ ልሳኖሙ፡ መከራሆሙ፡ ለወርቅ፡ ወለብሩር፡ ርስነት፡ ወብእሲ፡ ይትሜከር፡ በኅበ፡ እለ፡ ይዌድስዎ፡ ልብ፡ ኃጥእ፡ ተኃሥሥ፡ እከየ፡ ልብ፡ ርትዕት፡ ተኃሥሥ፡ አእምሮ፡ እመ፡ ቀሠፍኮ፡ ለአብድ፡ በማዕከለ፡ ማኅበር፡ በፅዕለት፡ ኢተአትት፡ ዕበዶ፡ ክፍል፡ ፬፡ አእምሮ፡ አእምር፡ መንፈስ፡ መራዕይከ፡ ወሚጥ፡ ልበከ፡ ለመርዔትከ፡ ወለሙሩረ፡ ዚአከ፡ እስመ፡ አኮ፡ ለዓለም፡ ለብእሲ፡ ኩንኖ፡ ወኃይል፡ ወኢይሁብ፡ እምትውልድ፡ ለትውልድ፡ ዕፅድ፡ ሣዕረ፡ ወአስተሐምም፡ ዘውስተ፡ ገዳም፡ ሐመልማለ፡ ወተዓርር፡ ፍሬሃ፡ ወአስተጋብእ፡ ሣዕረ፡ አድባር፡ ከመ፡ ታጥሪ፡ አባግዓ፡ ለልብስ፡ ወአክብር፡ ሂዖተ፡ ከመ፡ ይብዛኅ፡ መራዕይከ፡ ወልድየ፡ እምኅቤየ፡ ብከ፡ ቃለ፡ ፅንዕተ፡ ለሕይወትከ፡ ወለሕይወተ፡ ነባሪከ፡ ይጉይይ፡ ረሲዕ፡ እንዘ፡ አልቦ፡ ዘይዴማኖ፡ ጸድቅሰ፡ ከመ፡ አንበሳ፡ ውኩል፡ በኃጢአተ፡ ረሲዓን፡ ቅሥፈት፡ ይትነሣእ፡ ብእሲ፡ ጥዩቅ፡ ያጠፍአ፡ ጽኑዕ፡ በኃጢአት፡ ይትዔገል፡ ነዳየ፡ ከመ፡ ዝናመ፡ ሞገድ፡ ዘኢይበቅዕ፡ ከማሁ፡ እለ፡ የኃድጉ፡ ሕገ፡ ወይዌድስዎ፡ ለኃጢአት፡ ወእለሰ፡ ያፈቅሩ፡ ሕገ፡ ኢይዌድስዎ፡ ለኃጢአት፡ ወእለሰ፡ ያፈቅሩ፡ ሕገ፡ ይጠቅሙ፡ ለርእሶሙ፡ ቅጽረ፡ ሰብእ፡ እኩያን፡ ኢይሌብዉ፡ ፍትሐ፡ እለሰ፡ የኃሥሥዎ፡ ለእግዚአብሔር፡ ይሌብዉ፡ በኩሉ፡ ይኔይስ፡ ነዳይ፡ ዘየሐውር፡ በጽድቅ፡ እምባዕል፡ ሐሳዊ፡ ዘየዓቅብ፡ ሕገ፡ ወልድ፡ ማዕምር፡ ወዘሰ፡ ይሬእያ፡ ወዘይዘወጋ፡ ለሙስና፡ ያዲዕል፡ አባሁ፡ ዘያበዝኅ፡ ብዕሎ፡ በርዴ፡ ወበትዕግልት፡

f. 90r

(col. 1) ለዘይምህር፡ ነዳየ፡ ያስተጋብእ፡ ዘይመይጥ፡ እዝኖ፡ ከመ፡ ኢይስማዕ፡ ሕገ፡ ወውእቱኒ፡ ጸሎቶ፡ መነነ፡ ዘያስሕቶሙ፡ ለዕውራን፡ ውስተ፡ ፍኖት፡ እኪት፡ ውስተ፡ ሙስና፡ ውእቱ፡ ይወድቅ፡ ወዓማዕያንስ፡ {..}የኃልፋ፡ እንተ፡ ሠናይት፡ ወኢይበውዑ፡ ውስቴታ፡ ጠቢብ፡ ለርእሱ፡ ብእሲ፡ ባዕል፡ ነዳይ፡ ማዕምር፡ ያቅሌልዮ፡ በረድኤተ፡ ጸድቃን፡ ብዙኃ፡ ይከውን፡ ስብሐት፡ ወበፍናወ፡ ረሲዓን፡ ይትሐጉል፡ ሰብእ፡

ዘይከድን፡ አበሳሁ፡ ኢይረትዕ፡ ፍኖቱ። ወዘሰ፡ ይነግር፡ ወይዘልፍ፡ {.}ይት{.(ፈ)}ቀር፡ ብፁዕ፡ ብእሲ፡
 ዘይደነግ፡ በኩሉ፡ ጊዜ፡ በእንተ፡ ጽድቅ፡ ወጽኑ፡ ልብሰ፡ ይወድቅ፡ ውስተ፡ እኩይ፡ ክፍል፡ ፭፡
 አንበሳ፡ ርሀብወተኩላ፡ ጽሙዕ፡ ከማሁ፡ መኩንን፡ ረሲዕ፡ ላዕለ፡ ነዳይ፡ ዘይትዔገል፡ እንዘ፡ ነዳይ፡ ውእቱ፡
 ሕዝብ፡ ፅኑስ፡ ይከውን፡ ንጉሥ፡ ነዳየ፡ አእምሮ፡ ጻባሕተ፡ ዓቢየ፡ ተዓጋሌ፡ ይከውን። ወዘሰ፡ ይጸልዕ፡
 ዓመ፡ ብዙኃ፡ መዋዕለ፡ የሐዩ፡ ብእሲ፡ ርሱሕ፡ በቀትል፡ ዘይትሐበይ፡ ሥሩር፡ ውእቱ፡ ወአኮ፡ ጽኑዕ፡
 መሐር፡ ወልደክ፡ ወያፈቅረክ፡ ወይሁብ፡ ሠርጐ፡ ለነፍስክ፡ ወኢይሰምዕ፡ ዘንተ፡ ሕገ፡ ሕዝብ፡ ዓማዒ፡
 ዘየሐውር፡ በጽድቅ፡ ርቱዕ። ጠዋይሰ፡ ፍኖተ፡ ዘየሐውር፡ ይጸፍር፡ ዘይትጌበር፡ ገራህቶ፡ ያበዝኅ፡ እክለ፡
 ወዘሰ፡ ያበዝኅ፡ ፅርዓተ፡ ይደግን፡ ንደወተ፡ ብእሲ፡ ጌር፡ ብዙኃ፡ ይትእኩት፡ ወእኩይሰ፡ ኢይነጽሕ፡
 ኃፈረ፡ ገጽ፡ አኮ፡ ሠናይ፡ ዘኢየሕዳር፡ ገጽ፡ ጻድቃን። አኮ፡ ጌር፡ ዘከመዝ፡ በፍተ፡ ኅብስት፡ ያገብእ፡
 ሰብእ፡ ይጌጉዕ፡ ይብዓል፡ ብእሲ፡ ሐማሚ፡ ወኢየአምር፡ ከመ፡ መሐሪ፡ ይመልከ፡ ዘይዘልፍ፡ {.(ፍ)}ኖቶ፡
 ለሰብእ፡ ይረክብ፡ ክብረ፡ ፈድፋድ፡ እምነ፡ ዘበልሳኑ፡ ያደሉ። ዘይትዔገል፡ አባሁወእሞ፡ ወይብል፡
 ኢአበስኩ፡ ዝንቱ፡ ው

(col. 2) እቱ፡ ሱታፌሁ፡ ለብእሲ፡ ረሲዕ። ስሱዕ፡ ብእሲ፡ ይፈትሕ፡ ከንቶ፡ ወዘሰ፡ ተወከለ፡
 በእግዚአብሔር፡ በአስተሐም፡ ይሄሉ። ወዘይትእመን፡ በትፍሥሕተ፡ ልቡ፡ ዘከመዝ፡ አብድ፡ ውእቱ፡
 ወዘየሐውርሰ፡ በጥበብ፡ ይድኅን፡ ዘይሁብ፡ ለፅኑስ፡ ኢይዔነስ፡ ወዘሰ፡ ይመይጥዓይኖ፡ ውስተ፡ ዓቢይ፡
 ተፅናስ፡ ይሄሉ፡ ውስተ፡ መካነ፡ ረሲዓን፡ ይግዕዱ፡ ጻድቃን፡ ወበሐጉለ፡ ዚአሆሙ፡ ይበዝኑ፡ ጻድቃን።
 ይጌይስ፡ ብእሲ፡ ዘይዘልፍ፡ እምብእሲ፡ ጽኑዓ፡ ክሳድ፡ እስመ፡ ግብተ፡ ይነድድ፡ ወአልቦ፡ ፈውስ፡
 ወበተወደሶቶሙ፡ ለጻድቃን፡ ይትፌሥሑ፡ አሕዛብ፡ ወበመኳንንት፡ ረሲዓን፡ ይቴክዙ፡ ዕደው፡ በወልድ፡
 ዘያፈቅር፡ ጥበበ፡ ይትፌሣሕ፡ አቡሁ፡ ወዘሰ፡ ይፊኢ፡ ዘማተያሐጉል፡ ብዕሉ፡ ንጉሥ፡ ጻድቅ፡ ያነሥእ፡
 ብሔር፡ ወብእሲ፡ ዓማዒ፡ ይነሥት፡ ዘይሠርዕ፡ በቅድመ፡ ገጽ፡ ዓርኩ፡ መሥገርተ፡ ይወድዮን፡ ለአዕጋረ፡
 ዚአሁ፡ በጌጋየ፡ ብእሲ፡ ይበዝኅ፡ መሥገርት፡ ወዘየኃጥእ፡ ብእሲ፡ ውስተ፡ ዐቢይ፡ መሥገርት፡ ወጻድቅስ፡
 ውስተ፡ {.....(ፍሥሐ፡ ዓቢይ)}፡ ወሐሜት፡ ይሄሉ። ያእምር፡ ጻድቅ፡ ፈቲሐ፡ ለነዳይ፡ ወረሲዕስ፡
 ኢየአምር፡ ጠይቆ፡ ወለነዳይሰ፡ ኢይሄልዎ፡ ልብ፡ አእምሮ፡ ሰብእ፡ ጸዋጋን፡ አንደዱ፡ ሀገረ፡ ወጠብብትስ፡
 ሜጡ፡ መዓተ፡ ብእሲ፡ ጠቢብ፡ ይኳንን፡ አሕዛብ፡ ወብእሲ፡ እኩይ፡ ይትመዓዕ፡ ወይስሕቅዎ፡
 ወኢየኃዝኖ፡ ሰብእ፡ ሱቱፋን፡ በደም፡ ይጸልዑ፡ ጽድቅ፡ ወራትዓንሰ፡ የኃሥሁ፡ ነፍስ፡ ኩሎ፡ መዓቶ፡
 ያወፅእ፡ አብድ፡ ወጠቢብስ፡ ይዘግብ፡ ዘእምውስቱቱ፡ ንጉሥ፡ ዘይሰምዕ፡ ነገረ፡ ግፍዕ፡ ኩሎሙ፡ እለ፡
 ኅቤሁ፡ ዓማፅያን፡ ለቃሒ፡ ወተለቃሒ፡ ክ{....(ልዔሆሙ)}፡ ተራኪቦሙ፡ ይሔውጸሙ፡ እግዚአብሔር፡
 ኅብረ፡ ለክልዔሆሙ፡ ንጉሥ፡ ዘበጽድቅ፡ ይፈ

(col. 3) ትሕ፡ ለነዳያን፡ መንበሩ፡ በሰላም፡ ለዓለም፡ ይቀውም፡ ዝብጠት፡ ወተግሣጽ፡ ይሁብ፡ ጥበበ፡
 ወልድ፡ ዘይስሕት፡ ያስተሐፍር፡ ዘመደ፡ በብዝሃሎሙ፡ ለረሲዓን፡ ይትገበር፡ ኃጢአት፡ ወጻድቃንስ፡
 በድቀቶሙ፡ ለእኩያን፡ ፈራህያን፡ ይከውኑ። መሀር፡ ወልደክ፡ ወያዓርፈክ፡ ወይሁብ፡ ሠርጐ፡ ለነፍስክ፡
 በተኃጥአተ፡ መምህር፡ ይበዝኑ፡ ኃጥአን፡ ኢይሄልዎ፡ መምህር፡ ለሕዝብ፡ ኃጥእ። ዘሰ፡ የዓቅብ፡ ሕገ፡
 ብፁዕ፡ ውእቱ፡ በቃል፡ ኢይትመሀር፡ ገብር፡ ጸዋግ፡ ወእመኒ፡ አእመረ፡ ኢይትኤዘዝ፡ እመ፡ ርኢክ፡
 ብእሲ፡ ጉጉዓ፡ በቃል፡ አእምር፡ ከመ፡ ተስፋ፡ ቦቱ፡ ለአብድ፡ እምኔሁ። ነዛሕሊል፡ ብእሲ፡ በንዕስ፡
 ገብረ፡ ይከውን፡ ወድኅረ፡ ያኅዝን፡ ርእሶ፡ ብእሲ፡ መዓትም፡ ይከሪ፡ ኃዕዘ፡ ወብእሲ፡ ቍውዕ፡ ከረየ፡
 ኃጢአተ፡ ትዕቢት፡ ብእሲ፡ ያቴሕት፡ ወለትሑተ፡ ሕሊናሰ፡ ያቀርቦ፡ እግዚአብሔር፡ ለክብር፡ ዘይትካፈል፡
 ምስለ፡ ሰራቂ፡ ጸልዓ፡ ነፍሶ፡ ለእመ፡ መሐላ፡ አምጽኡ፡ ሎቱ፡ ይምህል፡ ወኢይነግር። በፈሪህ፡ ወበኃፈረ፡
 ሰብእ፡ ይትዓቀጽ፡ ወዘሰ፡ ተወከለ፡ በእግዚአብሔር፡ ይትፌሣሕ። ጌጋዩ፡ ለብእሲ፡ ይሁቦ፡ አበሳ፡ ወዘሰ፡
 ተእመነ፡ በእግዚአብሔር፡ ይድኅን። ብዙኃን፡ ይትለዓኩ፡ ለገጽ፡ መኳንንት፡ እምኅበ፡ እግዚአብሔር፡
 ይከውን፡ ጽድቁ፡ ወሀብቱ፡ ለብእሲ። ምኑን፡ ብእሲ፡ ጻድቅ፡ ለብእሲ፡ ገፋዒ። ወርኩስ፡ ለኃጥእ፡ ፍኖት፡

ርትዕት። ክፍል፡ ፯፡ ብእሲተ፡ ጽንዕተ፡ እመቦ፡ ዘረከበ፡ ክብርት፡ ይእቲ፡ እምዕንቅ፡ ክቡር፡ ዘብዙኅ፡
ሤጡ፡ ለእንተ፡ ከመዝ፡ ብእሲት፡ ይትእመን፡ ባቲ፡ ልበ፡ ምታ፡ እንተ፡ ከመዝ፡ እም(ሠ)ናይት፡ ምህርከ።
ኢተሐፅዖ፡ ትትራድኦ፡ ለምታ፡ ሠናየ፡ በሠናይ፡ ወኣኮ፡ እኩየ፡ በእኩይ፡ በኩሉ፡ መዋዕለ፡ ሕ

f. 90v

(col. 1) ይወታ፡ እንዘ፡ ትቤዝት፡ ፀምረ፡ ወዓ{.(ጌ)}፡ ገብረት፡ ሠናየ፡ በእደዊሃ፡ ኮነት፡ ከመ፡ ሐመር፡
እንተ፡ ትትጌበር፡ እምርሑቅ። ወታስተጋብእ፡ ላቲ፡ ኩሎ፡ ብዕለ፡ ወትትነሣእ፡ በሌሊት፡ ወትሁብ፡ ሲሳየ፡
ለሰብኦ፡ ቤታ፡ ወግብሮን፡ ለአዋልድ፡ {.)}ርእየት፡ ወፍረ፡ ወተሣየጠት። ወእምፍሬ፡ እደዊሃ፡ ተከለት፡
ጥሪተ፡ አጽኒዓ፡ ወቀኒታ፡ ሐቋሃ። አውፅአት፡ እደዊሃ፡ ለግብር፡ ጥዕመት፡ ከመ፡ ሠናይ፡ ውእቱ፡ ተቀንዮ፡
ወኢይጠፍዕ፡ ኩሎ፡ ሌሊተ፡ ማኅቶታ፡ ወእደዊሃ፡ ትሰፍሕ፡ ዲበ፡ ዘይበቀኑዕ፡ ወእመታ፡ ታጸንዕ፡ ለፈቲል፡
ወእደዊሃ፡ ፈትሐት፡ ለምስኪናን፡ ወእራኃ፡ ሰፍሐት፡ ለነዳይ፡ ወኢይቴክዝ፡ በእንተ፡ ቤቱ፡ ምታ፡ ወእመቦ፡
እደ፡ ጐንደየ፡ ወኩሎሙ፡ እሊዓሃ፡ ዕሩዛን፡ እሙንቱ፡ ክዑብ፡ ከለሜዳ፡ ገብረት፡ ለምታ፡ ዘቢሶስ፡
ወሜላተ፡ ገብረት፡ ላቲ፡ አልባሰ፡ ወዘያስተርኢ፡ ይከውን፡ ምታ፡ በውስተ፡ አናቅጽ፡ ሶበ፡ ይነብር፡ ውስተ፡
ማኅበር፡ ምስለ፡ ሊቃናተ፡ ምድር፡ ሰንዶናተ፡ ገብረት፡ ወጸገወቶ። ወንቅበታተ፡ ለከናናውያን፡ አፉሃ፡
ከሠተት፡ ዘበሕግ፡ ወዓቅመ፡ ሠርዓት፡ ለልሳና፡ ኃይለ፡ ወላህየ፡ ለብስት፡ ወተፈሥሐት፡ በመዋዕል፡
ደኃርያት፡ ጽፉቅ፡ በዋዔ፡ ቤታ፡ ኅብስተ፡ ሀኬት፡ ኢበልዓት፡ ሕግ፡ ወምጽዋት፡ ውስተ፡ አፉሃ፡ ወአፉሃ፡
ትፈትሕ፡ በጥበብ፡ ወበሥርዓተ፡ ሕግ፡ ወምጽዋታ፡ አልሀቀ፡ ውሉዳ፡ ወአብዓላ፡ {.....}፡ ወምታ፡
ወደሳብዙኃት፡ አዋልድ፡ አጥረያ፡ ብዕለ፡ ወብዙኃት፡ ገብራ፡ ኃይለ፡ አንቲሰ፡ ትፈደፍዲ፡ ወተዓደውኪ፡
ኩሎን፡ ሕሰው፡ አሥምሮ፡ ወምኑን፡ ላህይ፡ እስመ፡ ብእሲት፡ ጠባብ፡ ትትባረክ፡ ወፈራሂተ፡
እግዚአብሔር፡ ይእቲ፡ ትሴባሕ፡ ሀብዋ፡ እምፍሬ፡ ከናፍሪሃ፡ ወ

(col. 2) ይትኣኩት፡ በአናቅጽ፡ ምግባረ፡ ምታ፡ ፡